

四庫全書

史部

欽定四庫全書

浙江通志卷一百七十二

人物四

武功二

湖州府

三國吳

朱治

三國吳志本傳字君理故鄣人隨孫堅征伐中平五年討長沙零桂等三郡賊有功堅表治行

都尉從破董卓於陽人表治行督軍校尉堅薨治扶翼策依就袁術後勸策還平江東太傅馬日磾

欽定四庫全書

卷一百七十二

在壽春辟治為掾遷吳郡都尉治從錢唐欲進到吳吳郡太守許貢拒之於由拳治與戰大破之遂入郡領太守事建安七年權表治為九真太守行扶義將軍征討夷越佐定東南禽截黃巾餘類陳敗萬秉等黃武元年封毗陵侯領郡如故二年徙封故鄣權為吳王治每進見權常親迎執版交拜饗宴贈賜恩敬特隆時丹陽深地頗有奸叛亦以年向老思戀土風自表乞故鄣鎮撫山越歲餘還吳黃武三年卒子才嗣

朱才

三國志注字君業善騎射權愛異之以父任為武衛校尉領兵隨征伐屢有攻捷更折節為恭

留意賓客輕財尚義施不望報又學兵法名聲聞於遠近

朱然

三國吳志本傳字義封治姊子也本姓施初治未有子啓策乞以為嗣權以然為餘姚長遷山

陰令分丹陽為臨川郡然為太守會山賊起然平
討旬月而定曹操出濡須然備大塢及三關屯拜
偏將軍呂蒙病篤權問代者對曰朱然膽守有餘
可任蒙卒權假然節鎮江陵黃武元年封永安侯
魏遣曹真夏侯高張郃等攻江陵文帝自住宛為
其勢援連屯圍城然中外斷絕城中兵多腫病堪
戰者裁五千人真等起土山鑿地道立樓櫓臨城
弓矢雨注將士皆失色然宴如無恐意厲吏士伺
間隙攻破兩屯魏攻圍然凡六月未退不能克乃
徹攻退還然名震敵國改封當陽侯六年權自率
衆攻石陽旋師潘璋斷後夜出錯亂敵追擊璋然
即還住拒敵使前船得引柁遠徐乃後發黃龍元
年拜車騎將軍右護軍赤烏九年征柁中魏將李
興等聞然深入率步騎六千斷然後道然夜出逆
之軍以勝拜為左大司馬右軍師然長不盈七尺
內行修潔終日欽欽常在戰場臨急膽定尤過絕

人雖世無事每朝夕嚴鼓兵在營者咸行裝就隊
以此玩敵使不知所備故出輒有功赤烏十二年

卒子
績嗣

朱績

三國吳志本傳字公緒以父任為郎後拜建忠
都尉叔父才卒績領其兵隨太常潘濬討五溪

以膽力稱遷偏將軍營下督領盜賊事然卒績襲
業拜平魏將軍樂鄉督魏征南將軍王昶率眾攻
江陵城不克而退績與奮威將軍諸葛融書曰昶
遠來疲困力屈而退此天助也今追之力少可引
兵相繼吾破之於前足下乘之於後豈一人之功
哉宜同斷金之義融答許績便引兵及昶於紀南
紀南去城三十里績先戰勝而融不進失利建興
元年遷鎮東將軍元興二年拜左大司馬以五鳳
中表還
為施氏

晉

沈田子

宋書自序字敬光吳興武康人從高祖克京城進平京邑叅鎮軍軍事封營道縣五等侯

義熙五年高祖北伐鮮卑田子領偏師與龍驤將軍孟龍符為前鋒慕容超屯臨朐以拒大軍龍符戰沒田子力戰破之及盧循逼京邑高祖遣田子與建威將軍孫李高海道襲廣州加振武將軍循黨徐道覆還保始興田子復與右將軍劉藩同攻討循還廣州圍李高田子慮李高孤危率軍南還比至賊已收其散卒還圍廣州李高聞田子至大喜田子背水結陣身先士卒一戰破之又破循於蒼梧鬱林寧浦還至廣州而李高病死兵後山賊競出田子隨宜討伐旬日平殄還京除太尉叅軍振武將軍賜爵都鄉侯八年從討劉毅十一年復從討司馬休之十二年高祖北伐田子與傅弘之

領別軍從武關入屯據青泥姚泓軍數萬奄至田
子兵裁數百欲擊之弘之曰彼衆我寡難可與敵
田子曰師賞用奇不心在衆弘之猶固執田子曰
衆寡相傾勢不兩立及其未整薄之必克所謂先
人有奪人之志也獨率所領鼓而進合圍數重撫
慰士卒曰諸君捐親戚棄墳墓出矢石之間正希
今日耳封侯之業其在此乎乃衆糧毀舍躬勑士
卒前後奮擊所向摧陷所領江東勇士便習短兵
鼓譟奔之賊衆潰散所殺萬餘人長安平高祖燕
於文昌殿舉酒賜田子曰咸陽之平卿之功也即
授咸陽始平二郡太守大軍既還桂陽公義真留
鎮長安以田子為安西中兵叅軍龍驤將軍始平
太守時佛佛來寇田子與安西司馬王鎮惡俱出
北地禦之論者謂鎮惡欲盡殺諸南人以數千人
送義真南還因據關中叛田子與弘之謀請鎮惡
計事使宗人敬仁於坐殺之率左右數十人自歸

義真長史王脩收殺田

子於長安藁倉門外

沈叔任

宋書沈演之傳演之武康人父叔任少有幹質初為揚州主簿山陰令皆有聲朱齡石伐

蜀為齡石建威府司馬平蜀之功亞於元帥為巴西梓潼郡太守戍涪城東軍既反二郡強宗侯勵羅興聚衆作亂四面雲合遂至萬餘人攻城急叔任東兵不滿五百推布腹心衆莫不為用出擊大破之逆黨皆平高祖討司馬休之齡石遣叔任率軍來會時高祖領鎮西將軍命為司馬及軍還以為揚州別駕從事史以平蜀全涪之功封寧新縣男出為益州刺史以疾還都義熙十四年卒子演之

南北朝

沈林子

南史沈約傳林子字敬士田子弟少有大度孫恩屢出會稽武帝致討林子乃自歸盡室

移京口從尅京城進平都邑及帝為揚州辟為從事領建熙令封資中縣五等侯從伐慕容超平盧循竝著軍功復從征劉毅討司馬休之輒推鋒居前賊黨郭亮之屯據武陵林子率軍討之斬亮之於七里澗復討魯軌於石城軌棄衆走武帝伐姚泓參征西軍事如建武將軍統軍為前鋒從汴入河偽河東太守尹昭據蒲坂林子與冠軍檀道濟同攻蒲坂王鎮惡攻潼關泓遣姚紹據潼關林子謂道濟曰潼關天岨形勝之地鎮惡孤軍勢危力屈若使姚紹據之則難圖也及其未至當并力爭之若潼關事捷尹昭可不戰而服道濟從之及至紹舉關右之衆設重圍圍林子及道濟鎮惡等道濟議欲渡河避其鋒或欲棄捐輜重還赴武帝林子按劍曰下官今日之事自為將軍辦之然二三

君子同歷艱難荷恩罔極以此退撓亦何以見相
公旗鼓邪塞井焚舍示無全志率麾下數百人犯
其西北紹衆小靡乘其亂而薄之紹大潰俘擒以
千數悉獲紹器械資實紹走還保定城留姚鸞精
兵守嶮林子銜枚夜襲即屠其城剽鸞而坑其衆
紹復遣姚讚將兵屯河上林子連破之紹又遣姚
伯子等屯據九泉憑河固險以絕糧援武帝復遣
林子累戰大破之斬伯子所俘獲悉以還紹使知
王師之弘紹疽發背死讚統後軍復襲林子林子
禦之連戰皆捷帝至闔鄉姚泓掃境內兵屯峴柳
沈田子自武關北入屯軍藍田泓自率大軍攻之
帝遣林子步自秦嶺以相接援比至泓破走林子
威震關中豪右望風請附長安平大軍東歸還至
彭城帝令林子差次敷勒隨才授用文帝出鎮荆
州以林子為西中郎中兵參軍領新興太守
以佐命功封漢壽縣伯永初三年卒謚曰懷

沈慶之

南史本傳字弘先武康人少有志力孫恩寇武康慶之未冠隨鄉族擊之屢捷以勇聞趙

倫之見而賞之命子伯符板為寧遠中兵叅軍竟陵蠻為寇慶之設規畧擊破之永初二年除殿中員外將軍北使隸檀道濟道濟白文帝稱慶之忠謹曉兵上使領隊防東掖門元嘉十九年雖州羣蠻大動以慶之為建威將軍率眾進討大破緣沔諸蠻後為孝武撫軍中兵叅軍孝武以本號為雖州隨府西上征蠻寇屢有功還都復為廣陵王誕叅軍雖州蠻又為寇慶之復隨誕入沔伐沔北諸山蠻大破之羣蠻皆稽顙慶之患頭風好著狐皮帽羣蠻號曰蒼頭公每見慶之軍輒畏懼曰蒼頭公已復來矣慶之引軍出前後破降甚眾所獲蠻並移都下以為營戶二十七年遷太子步兵校尉至三十年孝武出次五洲總統羣帥慶之至詣受軍畧會元凶弒逆遣慶之引諸軍慶之處分旬日

內外整辦時皆謂神兵孝武踐阼以為領軍將軍
封南昌縣公孝建元年魯爽反遣慶之與薛安都
往討之安都斬爽進征北大將軍改封始興郡公
大明三年竟陵王誕據廣陵反慶之帥衆討之至
城下誕登樓謂曰沈君白首之年何為來此慶之
曰朝廷以君狂愚不足勞少壯故使僕來耳塞塹
造攻道立行樓土山并諸攻具每攻城身先士卒
七月斬誕進司空四年西陽五水蠻復為寇慶之
統諸軍討平之前廢帝即位以為侍中太尉盡言
諫爭帝遣其從子攸之齋藥賜死時年八十明帝
即位追贈侍中
司空謚曰襄公

沈法系

宋書沈慶之傳慶之從弟法系字體先初為
趙伯符將佐後隨慶之征五水蠻世祖伐劬

以為南中郎叅軍領三千人前發與柳元景旦至
新亭元景居中營宗慤居西營法系居東營東營

據岡賊攻元景法系臨射之所殺甚衆塹外樹悲
伐之令倒賊來攻綠樹以進彭排多間隙選善射
手的發無不中死者交橫事平以為寧朔將軍始
興太守討蕭簡於廣州臺軍將至簡誑其衆曰臺
軍是劬所遣竝信之城內固守初世祖先遣鄧琬
圍簡唯治一攻道法系至曰宜四面竝攻若守一
道何時可拔琬慮功不在已不從法系曰更相申
五十日日盡又不克乃從之八道俱攻一日即拔
斬簡廣州平封庫藏付琬而
還官至驍騎將軍尋陽太守

沈璞

宋書自序字道真林子少子元嘉十七年始興
王濬為揚州刺史以為主簿遷宣威將軍盱眙

太守時王師北伐彭沛無虞璞以強寇對陣事未
可測即首淮隅道當衝要乃修城壘浚重隍聚財
石積鹽米為不可勝之算俄而拓跋燾自領步騎
數十萬陵踐六州腹心勸璞還京師璞曰若彼大

衆不盼小城故無所懼若肉薄來攻則成擒也諸
君何嘗見數十萬人聚在一處而不敗者昆陽合
肥前事之明驗此吾報國之秋諸君封侯之日人
情乃定收集得二千精手曰足矣賊至四面蟻集
攻城璞隨宜應拒攻守二旬殄其大半燼乃遁走
太祖嘉璞功効遣中使褒美徵還淮南太守賞賜
厚豐

沈文秀

宋書本傳字仲達武康人慶之弟子也景和
元年遷青州刺史太宗定亂晉安王子勛據

尋陽時徐州刺史薛安都已同子勛文秀應安都
泰始三年歸命請罪即安本任先是冀州刺史崔
道固亦據歷城為土人起義所攻與文秀俱遣信
引魏魏遣將慕容白曜率大衆援之文秀已受朝
命乃乘魏無備縱兵掩擊殺傷甚多魏進軍圍城
文秀善於撫御將士咸為盡力每與魏戰輒摧破

之掩擊營皆往無不捷太宗進文秀號輔國將軍
八月魏蜀郡公拔式等馬步數萬人入西郭直至
城下文秀使輔國將軍桓譔擊破之九月又逼城
東十月進攻南郭文秀使員外散騎侍郎黃彌之
等邀擊斬獲數千四年又進文秀號右將軍封新
城縣侯魏國青州積久太宗所遣救兵並不敢進
文秀被圍三載外無援軍士卒為之用命無離叛
者日夜戰鬪甲冑生蟻虱五年為魏所陷城敗之
日解釋戎衣緩服靜坐命左右取所持節魏既入
兵刃交至問曰青州刺史沈文秀何在文秀厲聲
曰身是囚執之白曜在城西南角樓文秀至白曜
前執之者令拜文秀曰各二國大臣無相拜之禮
曜命鐮送柔乾文秀在柔乾凡
十九年齊之永明四年病卒

沈攸之

南史本傳攸之字仲達慶之從父兄子也元
嘉二十七年魏軍南攻攸之隨慶之征討二

十九年征西陽蠻始補隊主巴口建義授南中郎
府板長兼行參軍新亭之戰身被重創事寧為太
尉行參軍封平洛縣五等侯又隨慶之征廣陵屢
有功孝武以其善戰配以仇池步稍明帝即位四
方反叛以攸之為寧朔將軍尋陽太守率軍據虎
檻時王元謨為大統未發前鋒有五軍在虎檻五
軍後又絡繹繼至每夜各立姓號不相稟受攸之
謂軍吏曰今衆軍同舉姓號不同若有耕夫漁父
夜相呵叱便致駭亂此敗道也請就一軍取號衆
從之大破賊於赭圻尋進號輔國將軍督前鋒諸
軍事薛常保等在赭圻食盡賊帥劉胡屯濃湖以
囊盛米繫流查及船腹陽覆船順風流下以餉赭
圻攸之疑其有異遣人取船及流查大得囊米尋
尅赭圻遷寧蠻校尉雍州刺史加都督袁顗率衆
來入鵲尾相持久軍主張興世越鵲尾上據錢溪
攸之率諸將攻濃湖錢溪信至大破賊攸之悉以

錢溪所送胡軍耳鼻示之顛駭懼急追胡還諸軍
悉力進攻胡棄衆而奔顛亦奔走赭圻濃湖之平
也賊委棄資財珍貨山積諸軍各競收斂攸之約
所部不犯毫芥進平尋陽遷中鎮軍封貞陽縣公
累遷郢州刺史泰豫元年以攸之為鎮西將軍荆
州刺史順帝即位攸之得太后手令遂舉兵齊高
帝遣衆軍西討攸之盡銳攻郢州柳世
隆屢破之昇明二年還江陵自經死

陳伯紹

冊府元龜為龍驤將軍文州人李長化據州
叛妖賊攻廉州殺刺史羊南伯伯紹討平之

廣東通志伯紹吳興人少英發以知勇聞事明帝
泰始四年討平劉師道遷西江都護時合浦北界
夷獠叢居寇盜不賓略無編戶伯紹帥兵二千人
獵於郡北境見二青牛驚走入草使人逐之不得
乃志其地曰此地當有奇祥啟立為越州明帝命
為交州刺史使經營焉元徽二年以伯紹為越州

刺史督交越二州軍事始立州鎮穿山為城門以保邊境俗呼為青牛城先時刺史常事戎馬以勦伐為務伯紹恩惠及民威信洽夷獠及卒為之立祠

沈文季

南齊書本傳字伯達父慶之為景和所殺收捕諸子文季揮刀駢馬去收者不敢追宋明

帝立起文季為寧朔將軍出為臨海太守昇明元年沈攸之起兵太祖加文季為冠軍將軍督吳興錢唐軍事攸之先為景和殺慶之至是文季收殺攸之弟登之封略陽縣侯明年遷丹陽尹建元元年改封西豐縣侯世祖即位出為吳郡太守四年持節督郢州司州之義陽諸軍事郢州刺史遷尚書左僕射明帝建武二年魏寇壽春豫州刺史豐城公遙昌嬰城固守數遣輕兵相抄擊詔文季領兵鎮壽春文季入城止游兵一聽出洞開城門嚴加備守尋退百姓無所傷損加護軍將軍王敬則

兵起文李領兵屯湖頭備京路永元元年始安王
逸光夜遣三百人於宅掩取文李欲以為都督而
文李已還臺明日與徐孝嗣守衛宮城戎服
共坐南掖門事寧加鎮軍將軍未幾被害

章昭達

南史本傳字伯通武康人性倜儻輕財尚氣
少時遇相者謂曰卿容貌甚善須小虧則富

貴昭達因醉墮馬鬣角小傷昭達喜相者曰未也
侯景之亂昭達率鄉人援臺城為流矢所中眇其
一目相者曰卿相善矣不久當富貴臺城陷昭達
還鄉里與陳文帝遊侯景平文帝為吳興太守委
以將帥陳武帝謀討王僧辯令文帝還長城招聚
兵衆以備杜龕頻使昭達往京口京承計畫僧辯
誅龕遣其將杜泰來攻昭達從文帝進軍吳興以
討龕龕平又從討張彪於會稽剋之時留異擁據
東陽武帝使昭達為長山令居其心腹天嘉元年
封欣樂縣侯尋隨侯安都拒王琳昭達乘大艦中

流而進先鋒發拍中賊艦琳平策勲第一除郢州
刺史周迪據臨川反詔昭達便道征之迪敗走微
為護軍將軍改封邵武縣侯四年陳寶應納周迪
共寇臨川又以昭達為都督討迪迪走昭達乃踰
嶺討寶應與戰據上流為筏施拍其上壞其水柵
又出兵攻其步軍方大合戰會文帝遣余孝頃出
海道過至因并力乘之定閩中擒留異寶應以功
授開府儀同三司尋授江州刺史光大時改封邵
陵郡公宣帝即位歐陽純據嶺南反詔昭達都督
衆軍討之純出頓匯口多聚沙石盛以竹籠置於
水柵之外用遏舟艦昭達居其上流裝艦造拍以
臨賊柵又令人銜刀潛行水中以斫竹籠籠筏解
因縱大艦突之大敗純禽送都廣州平進位司空
太建二年率師征梁明帝於江陵明帝與周軍大
蓄舟艦於青泥中昭達分遣偏將錢道戡程文季
乘輕舟焚之周又於峽口南岸築壘名安蜀城於

江上橫引大索編葦為橋以度軍糧昭達命軍士為長戟施樓船上仰割其索索斷糧絕因縱兵攻其城降之昭達奉命出征必晝夜倍道其尅捷必推功將帥厨膳飲食竝同羣下將士以此附之

沈恪

陳書本傳字子恭武康人梁新喻侯蕭映為廣州以恪兼府中兵叅軍常領兵討伐俚洞盧子

畧反恪拒戰有功除員外散騎侍郎侯景圍臺城起東西二土山以逼城城內亦作土山應之恪為東土山主晝夜拒戰以功封東興縣侯城陷恪間行歸鄉里高祖討侯景恪於東起兵相應賊平授都軍副高祖討王僧辯時僧辯女壻杜龕鎮吳興高祖使世祖還長城立柵備龕又使恪還武康招集兵衆龕遣副將杜泰率衆襲世祖於長城恪時已率兵士誅龕黨與高祖遣周文育來援泰遁走世祖與文育進軍出郡恪軍亦至屯於郡南龕平世祖以恪監吳興郡永定二年徙監會稽郡會余

孝頃謀應王琳出兵臨川攻周迪以恪為壯武將軍率兵踰嶺以救迪孝頃聞恪至退走三年除會稽太守天嘉元年為郢州刺史高宗即位加平越中郎將廣州刺史州罹兵荒所在殘毀恪綏懷安輯被以恩惠嶺表賴之太建四年徵為領軍將軍十二年監南徐州緣江防戍後主即位授金紫光祿大夫卒年七十四謚曰元

胡穎

陳書本傳字方秀吳興人偉姿容性寬厚陳高祖在廣州穎深自結從克元景仲平蔡路養李

遷仕皆有功高祖進軍頓西昌以穎為巴邱令鎮大臯督糧運下至豫章以穎監豫章郡高祖討侯景以穎知留府事梁承聖初元帝授穎羅州刺史封漢陽縣侯尋除豫章內史隨高祖鎮京口齊遣郭元建出東關高祖令穎率府內驍勇隨侯瑱於東關大破之後從高祖襲王僧辯又隨周文育討

杜龕高祖受禪兼左衛將軍天嘉元年
除散騎常侍吳興太守卒官謚曰壯

胡鑠

陳書胡穎傳穎弟隨穎將軍穎卒鑠統其衆歷
東海豫章二郡守隨章昭達南平歐陽紇為廣

州東江督護還預北伐除歷陽
太守太建六年卒贈桂州刺史

錢道戢

南史本傳字子韜長城人少以孝行著聞及
長頗有才幹陳武帝徵時以從妹妻焉武帝

輔政道戢隨文帝平張彪於會稽以功拜東徐州
刺史封永安縣侯天嘉元年為臨海太守侯安都
之討留異道戢帥軍出東陽以斷其後異平以功
拜都督衡州刺史領始興內史後與章昭達討歐
陽紇紇平除左衛將軍太建二年又隨昭達征江
陵以功加散騎常侍後為都督郢州刺史與儀同
黃法氍攻下歷陽因以
道戢鎮之卒官謚曰肅

陳慧紀

陳書本傳字元方高祖從孫高祖平侯景慧紀從焉高祖踐阼封宜黃縣侯世祖即位為

安吉縣令遷明威將軍軍副章昭達征安蜀城慧紀為水軍都督於荊州燒青泥船艦光大元年以功除豐州刺史太建十年吳明徹北討敗績以慧紀為緣江都督兖州刺史周軍據有淮南江外騷擾慧紀收拾士卒自海道還都除都督郢巴二州諸軍事郢州刺史至德二年遷都督荆信二州諸軍事荊州刺史貞明元年梁安平王蕭巖晉熙王蕭𪔐等率其部衆男女二萬餘口詣慧紀請降慧紀以兵迎之以應接功加開府儀同三司征西將軍及隋師濟江元帥楊素下自巴峽慧紀遣將呂忠肅陸倫等拒之時隋將韓擒虎及賀若弼等已據蔣山慧紀聞之身率將士三萬人樓船千餘沿江而下欲趣臺城至漢口為秦王軍所拒不得進因降入隋依例授儀同三司卒

唐

錢九隴

唐書本傳字永業長城人父文疆為吳明徹裨將與明徹俱敗彭城入隋以罪沒為奴故

九隴事唐公善騎射常備左右兵起以功授金紫光祿大夫從戰薛仁果劉武周累擢為右武衛將軍從平洛陽佐太子建成討劉黑闥於魏州力戰破賊以功最封鄆國公為苑游將軍貞觀初為眉

州刺史改巢國卒謚曰勇陪葬獻陵

施世英

兩浙名賢錄字玉華安吉人家世業農多積粟好施予每衣食一鄉生而勇斷有才氣不

衣襁褓而喜騎射鄉里年少多嚴事之隋大業中率宗族子弟并鄉里年少以軍法部伍之聚糧自守盜賊不敢犯里閑獨全間唐高祖起義率眾歸附每戰伐先鋒陷陣功多拜洮州刺史卒高祖厚

賻其喪

宋

沈承禮

宋史吳越世家承禮烏程人錢鏐辟置幕府署處州刺史鏐子元瓘以女妻之署為府中

右職出為台州刺史佐以承禮掌親兵倣命知威武軍節度事充兩浙都鈐轄使王師征江南倣遣

承禮率水陸數萬人助平毗陵因攻潤州城中兵夜出焚外柵諸將皆欲馳救承禮曰古人有言擊

東南而備西北此之謂也命士皆擐甲蓐食堅壁不動他壘不設備者悉驚擾獨承禮所部敵不敢

窺丹陽平遂率兵抵建業李煜歸朝錄其功授福州節制太平興國初倣畫獻浙右地徙承禮鎮密

州八年卒贈太子太師

盧秉

宋史本傳字仲甫葦子中進士甲科浮沈州縣二十年後提點兩浙淮東鹽事進制置發運副

使上計神宗問曰聞滁和民捕蝗充食有諸對曰有之民饑甚殍死相枕藉帝惻然曰前此獨趙抃言之耳先是發運使多獻餘羨以希恩寵秉言職在董督六路財賦以時上之安得羨今稱羨者率正數也請自是罷獻知渭州五路大出西討惟涇原有功進寶文閣待制夏境胡盧川距寨二百里恃險遠不設備秉遣將姚麟彭孫襲擊之俘斬萬計遷龍圖閣直學士夏酋星多威丹舉國入寇犯熙河定西城秉治兵吳瓦亭分兩將駐靜邊砦指夏人來路曰吾遲明坐待捷報矣及明果至見宋師驚曰天降也縱擊之皆奔潰或言威丹已死諸將請以聞秉曰幕府上功惡不實吾敢以疑似成敗乎他日物色之威丹果死詔使上所獲器甲秉守邊久表父革年老乞歸移知湖州元祐中降侍

制提舉洞

霄宮卒

盧知原

盧法原

宋史本傳知原字行之德清人以父任知歙縣累遣梓州路轉運副

使時承平既久武備皆弛知原招補兵籍築城亘二十餘里提點京東刑獄改江西轉運副使高宗即位知温州時葉濃陷建州楊勛陷處州知原繕甲兵增城浚隍聲勢隱然帝幸知原由海道轉粟及金縢十餘萬至台州召見擢右文殿修撰管內安撫使王師討范汝為召為添差兩浙轉運使都督孟庾辟為叅謀改知臨安府復為都督叅謀官紹興十一年卒弟法原字立之自知雍邱縣積官太府少卿使遼還司農卿為吏部尚書紹興元年知慶州尋為川陝等路處置宣撫副使金人攻闕輔叛將史斌陷興州諸郡多應者法原命諸將堅壁言戰者斬未幾河東經制使王燮以乏食班

師法原開闢納之與變同破城復興州方巨盜充斥秦隴叛兵欲窺蜀法原極意拊循嚴為備禦傳檄諸路人心稍安視山川險阻分地置將自洮岷至階成關師古主之屯通川文龍至威茂劉琦主之屯巴西前後屢捷上所倚重會烏珠攻關為吳玠所敗法原與玠不睦玠因訟法原帝手詔詰問法原自辯甚力憂患卒於軍

成無玷

西吳里語字士懋武康人第進士李綱薦其有文武材畧擢守鄂州兼安撫使修築城壘

教閑士伍皆祖諸葛亮遺法高宗兩賜御札褒美未幾黜錫目勒國甚急無玷堅守敵竟去

畢再遇

宋史新編字德卿父進從岳飛轉戰江淮間積階至武義大夫再遇以恩補官開禧北伐

以殿帥郭倪招撫山東京東遣再遇與統制陳孝慶取泗州再遇選新刺取死軍為前鋒倪以八十

七人付之出其不意進薄泗州泗有東西兩城再
遇令陳戈旗舟楫於石圉下如欲攻西城者乃自
以麾下兵從陡山徑起東城南角先登殺敵數百
守城者開北門遁西城猶堅守再遇立大將旗呼
曰大宋畢將軍在此爾等可速降於是遂降尋除
環衛官倪調李汝翼郭倬取宿州遣孝慶等繼之
命再遇為先鋒取徐州至虹遇郭李兵裹創旋問
則曰宿州大水我師不利統制田俊邁已為敵擒
矣再遇督兵疾趨次靈壁遇孝慶駐兵鳳凰山倪
以書抵孝慶令班師再遇曰郭李軍潰金必追躡
吾當自禦之金果分兩道來再遇令敢死二千人
守靈壁北門自領兵衝敵陣金人見其騎呼曰畢
將軍來也遂遁再遇手揮雙刀絕水追擊殺敵甚
衆甲裳盡赤遂北三十里刺殺其驍將以功第一
擢左驍衛將軍和好成累疏乞歸不允除保康軍
承宣使尋以武信軍節度使致仕卒贈太師謚忠

毅癸辛雜識再遇充
州將家也居於雲

孟宗政

宋史本傳字德夫絳州人父林從岳飛至隨

完顏董犯襄郢宗政率義士據險遊擊奪其輜重
補承節郎襄陽令轉秉義郎京西兵馬鈐轄駐襄
陽嘉定十年金犯襄陽宗政與統制扈再興陳祥
分為三軍設伏三所蹀血以戰金兵敗走尋報襄
陽圍急宗政午發峴首遲明抵棗陽馳突如神金
人宵遁權棗陽軍十一年金帥完顏薩布圍城宗
政與再興合兵角敵歷三月大小七十餘戰身先
士卒金人輒敗忿甚周城開濠四面控兵列濠外
飛鋒鎬以絢鈴自警鈴響則犬吠宗政厚募壯士
乘間突擊金人不能支盛兵傳城宗政隨方力拒
援師至率諸將出戰金人奔潰轉武德郎十二年
金帥完顏額爾克擁步騎傳城宗政掘深坑防地道

敵穿窬才透施毒烟烈火鼓鞮以熏之金人室以
濕鹽析路以刻土城頽樓陷宗政撒樓益薪架火
山以絕其路以長槍勁弩備其衝距樓陷所數丈
築偃月城翼傳正城深坑倍仞五日成金人摘強
兵披厚鎧鐵面濕鹽濡草蒙火山擁雲梯徑抵西
北圍樓登城城中軍以長戈舂其喉殺之敢勇軍
自下夾擊金兵墜死燎焰金將於後截其軍拒馬
揮刀迫前金人乘順風渡濠飛脂草燒戰棚宗政
激將士血戰射其都統殪之會天反風士氣大振
賈勇入金營自晡至夜半金人橫尸遍地額爾克棄
帳走獲輜重牛馬萬計升武功大夫金人自是不
敢窺襄漢代許國為荆鄂都統制仍知棗陽中原
遺民來歸者以萬數籍其勇壯號忠順軍俾出
沒唐鄧間威振境外金人呼為孟爺爺俄病卒
謹按西吳里語及舊浙江通志皆以宗
政為歸安人與宋史不合今存以俟考

孟琪

宋史本傳字懷玉嘉定十年金人犯襄陽駐團山父宗政被檄援東陽臨陣父子相失琪望敵

騎中有素袍白馬者曰吾父也急麾騎軍突陣遂脫宗政以功補進勇副尉十二年完顏額爾克攻東陽琪取地道劫金人破砦十有八紹定四年為京西兵馬鈐轄棗陽軍駐劄六年元將諾延布展追金主守緒逼蔡檄琪戍鄂討金唐鄧行省武仙仙與武天錫及鄧守伊喇瑗相犄角欲迎守緒入蜀犯光化鋒銳甚天錫鄧人乘亂聚眾為邊患琪逼其壘一鼓拔之金人犯呂堰琪命諸軍追擊金人棄輜重走瑗降琪入鄧仙將劉儀來降琪問仙虛實遣兵向離金盧秀執黑旗帥眾入砦金人不疑為宋軍乃分據巷道大呼縱火掩殺殆盡遣樊文彬攻其前門成明等邀截西路殺殘山積師還至沙窩與金人遇大捷琪料仙必上岵山頂窺伺令文彬前設伏後遮歸路仙眾果登山及半文彬麾

旗伏兵四起仙衆失措枕藉厓谷薄暮珙進軍小
水河夜漏十刻召文彬等受方畧攻石穴九砦薜
食啟行晨至石穴時積雨未霽文彬患之珙曰此
雪夜擒吳元濟時也策馬直至石穴分兵進攻九
砦俱破仙易服而遁還軍襄陽轉江陵副都統制
攻蔡州金兵萬人自東門出戰珙遮其歸路掩入
汝河擒其偏將八十有七人進逼柴潭奪樓而上
遂拔柴潭樓蔡人恃潭為固外即汝河潭高於河
五六丈城上金字號樓伏巨弩相傳下有龍人不
敢近將士疑畏珙曰柴潭非天造地設樓伏弩能
及遠而不可射近彼所恃此水耳決而注之洄可
立待皆曰提堅未易鑿珙曰所謂堅者止築兩堤
首耳鑿其兩翼可也潭果決竇以薪葦遂濟師攻
城進逼土門端平元年正月珙下令諸軍銜枚分
運雲梯布城下珙帥師向南門至金字樓列雲梯
令諸將聞鼓則進萬衆競登大戰城上殺其元帥

烏林達執其叅將張天綱與布展還軍襄陽二年
詔黃州駐劄元兵攻襄陽隨荆門鄧守皆委郡去
江陵危急詔遣援珙先遣張順渡江以全師繼之
元兵一攻復州一在枝江監利縣編筏窺江珙變
易旌旗服色循環往來夜則列炬照江數十里相
接破砦二十有四嘉熙元年封隋縣男授鄂州諸
軍都統制元將特默忒入漢陽境圖卜布哈又入淮
甸蘄舒光守臣以州降合三郡攻黃珙指畫戰守
卒全其城陞制置使兼知岳州迺擣襄鄧復鄧州
荆門軍三年正月復信陽軍遂復襄陽珙奏曰取
襄不難而守為難襄樊為朝廷根本百戰得之當
加經理如護元氣非甲兵十萬不足分守乃置先
鋒軍以襄鄧歸順人隸焉元將塔海入蜀珙增置
營砦分布戰艦遣兵間道抵均州防遏四年進封
子拜四川宣撫使進封漢東郡侯兼京湖安撫制
置使淳祐二年拜檢校太保進封漢東郡公兼知

江陵府五年病革乞休授檢校少師致仕終於江陵贈太師吉國公謚忠襄

元

費案

年嚙費案墓誌字子壽長興人元初授金牌千戶措置上海市舶陞副使遷管軍總營鎮守上海沿海民船漫無所統屬或流為盜賊案請錄見戶蠲雜役而官領之得海船數千稍水手數萬乃畀虎符授明威將軍管領海船萬戶案器局寬整倜儻而篤厚他縣牒怠民朋曹相仇殺或將獮獮之案建白招收從征日本使自贖數千人得不死稱為費佛子丐聞遷懷遠大將軍遙授浙東道宣慰使往來蘇杭山水佳處自號耐軒老人

明

陳翼

獻徵錄字良輔長興人父興曉騎前衛百戶洪武辛酉征雲南蠻洞力戰死翼襲職授濟陽衛

世襲千戶累功陞燕山護衛世襲指揮僉事戊寅太宗舉靖難之師翼率甲四千大小二十四戰略定二十餘州己卯以白溝河濟南功陞指揮同知壬午以東平汶上功陞都指揮僉事是年六月平定京師陞陝西都指揮同知尋命掌金吾右衛事永樂乙丑扈駕還北京進中軍都督府同知後二年數將神機營軍馬扈巡迤北至和林後七年詔往南京督府視事仁宗召還北京宣德二年卒

陸矩

獻徵錄字仲興歸安人阜城籍宣德進士授刑部主事正統中陞郎中適尚書金濂總理軍政

征閩寇奏矩自副凡號令數奏之文一出矩手至則賊渠已死餘黨據山寨自固官軍分道竝進矩與副將保定伯梁瑤獨當一面併力以攻寇日破之擒其偽將而盡釋其脅從者閩境以平以功拜

都察院右僉都御史尋鎮守保定諸郡復參贊延綏軍務至軍號令一新廢墜修舉邊人相誡不敢犯

陳汝玉

呂柟陳思古集序字思古安吉人有將畧龔父爵懷遠將軍統衛事弘治十八年陞署都

指揮總揚州漕運搜剔冗濫歲省米五千餘石正德間追捕劉寇斬首數千級又攻破孝豐湯賊俱有功實授叅將嘉靖五年拜南京坐營至則人不知持兵汝玉曰坐食國家而緩急無用與叅豕何異乃比什伍簡卒不能者去之六年改坐團營旋復拜叅將理會通閘河成歲運米百九十餘萬石省車脚費三十餘萬金十年拜南京後府署都督僉事兼理操江節制安慶九江下至鎮江諸軍事汝玉拜命滋懼曰吾無功而屢受上賞惟當鞠躬盡瘁報國家爾其羞稱功伐若此

施儒

分省人物考字聘之歸安人正德進士授監察御史巡山海關西自密雲傳馬蘭營至闕千里

而遙地為要害儒振紀綱料兵食去墨吏部內肅然請添設兵備副使一員與叅將共事軍民皆得統攝嘉靖初以廣東僉事備兵惠潮惠潮故盜藪沿山峒結巢穴互為聲勢劇賊龔梁鳳鍾大總等復相哨聚儒部勒狼目漢達官軍分道直抵賊所旬日間剿平之又平新田寇桃子園寇請設惠來大埔二縣賊無所逃遁潮惠間始不從事於兵草遷按察副使告歸

沈應龍

獻徵錄字翔卿烏程人嘉靖進士由刑部主事歷四川副使當白草番之亂撫剿未定應

龍言撫之無益不若專意征剿期一大創可保數十年無事卒成擒馘斬級之功陞廣東布政司叅政時有事安南應龍留心邊圉叅謀指畫遂誅范子儀等安插莫正中定莫滋瀝之位崖萬黎叛應

龍言崖萬與瓊相去數百里止一兵備不足以辦
合設叅將於崖州叅議於萬州專任責成協力共
濟地方賴以寧靜陞右副都御史巡撫山東講荒
政濬運道河南師尚詔攻陷州縣應龍嚴兵於黃
河一帶而運謀設計以撓之寇即退避邳秦單縣
流賊嘯聚為害應龍命將出師一鼓成擒倭寇告
急登州故有備倭兵船後皆逃亡船亦遞減應龍
言防海必資於船禦寇必資於兵請復舊制又沙
門黑山諸島遼軍逃其間不惟失伍有罪且有意
外之慮議行而傍海州郡得以休息轉南刑部右
侍郎卒所著有平番議安

南議撫叅議山東奏議

陸

兩浙名賢錄字汝成吳興人嘉靖進士授刑部
主事歷四川副使備兵建昌獲流賊魁白玉陞

江西叅政左右布政使而流賊盧梅林起閩楚之
交張璉起廣之饒浦大浦蕭晚羅袍楊爵推璉為

長劫興寧長樂圍平和其黨林贊據南靖為聲援
王伯宣入海導倭寇犯潮州拜德右副都御史提
督軍務開府虔州合南贛汀漳雄詔惠潮郴州皆
受節制穩行至吉安梗於梅林不得前乃以便宜
徵兵討敗之獲梅林進至虔撤黃鄉兵屬以先驅
擒上杭賊李占春討田坑賊梁寧走之襲程鄉賊
徐東州執以歸分兵討連城汰內二峒賊斬酋謝
文贊等明年麻陽賊袁三犯玉山永豐崇仁三縣
討誅之討黃積山於大田峒積山中流矢死遂會
閩廣兵討璉穩曰羣賊惟林贊為弱破贊則破竹
之勢成矣乃首擊贊贊果降繼擊袍舜皆就縛穩
令軍士捲甲疾起夜擊晚誘斬之而潮守何鏗亦
誘斬伯宣璉據險以拒穩重購卒獲璉斬之盡毀
其巢穴捷聞遷兵部右侍郎仍撫其地賊黨以次
悉平又會閩兵逐故陷興化之
倭寇復其城改南兵部右侍郎

吳維嶽

獻徵錄字峻伯孝豐人嘉靖進士除江陰令會沙賊反崇明與縣夾江相距縣故無城郭

維嶽躬率甲士謹備之賊無敢犯歷右僉都御史巡撫貴州貴州半雜夷道多剽掠乃馳羽檄分道遣材官護游校偵察之嚴踐更懸賞格夷寨各立籍記寨中諸夷若干人保界分區界內有犯坐夷長於是諸夷無敢竊發道乃通夷酋楊珂仇其叔進雄據六洞進雄故立珂為後後有子欲殺珂珂拒進雄歷十有七年當事者議未決維嶽責珂降珂乃面縛伏辜待以不死時王世麒叛清浪宋廷武宋鵬宋驚叛草唐王阿利等叛平伐維嶽策曰世麒濟惡不悛亟誅以正國法諸宋由爭襲起黔蜀觀望出其不意急縛之一旅足矣平伐負固為虐可襲而擒於是斬世麒捕廷武鵬驚俘阿利境內悉平罷歸卒於家

胡心得

德清縣志字襟寰嘉靖進士歷任司牧有賢聲奉勅整飭金騰兵備雲南值流商岳鳳與

子翼烏謀不逞勾引莽酋等內侵而土司刀落參刀落秦等陰助賊勢時心得已改命東粵慨然曰吾欲以東粵墜書不負金騰父老復過滇南移鎮金騰之衝會議進攻勦撫之策未幾破酋穴悉殲滅之誅岳鳳父子而滇南平徵拜都御史神宗時荆襄商漢汝南間饑民流入為盜亡命者咸集時宰攀心得遂出撫鄖陽適強宗崇仁等萌異志山賊蟻附近百萬竊據漢陽時撫按正會議間崇仁擁衆直入省會肆掠遂剽劫商船欲泝流南下心得夜移師漢陽覆其巢別遣偏師躡其後討崇仁之誅

寧波府

五代

黃晟

吳越備史鄞縣人應募於望海鎮鎮中立表選魁梧者晟以埏陋不中選乃隸鎮都虞侯林膺

還本鄉募衆據平嘉埭權知州事楊僕召署為平嘉浦將有衆千餘人初劉漢宏以台州賊婁文知明州事文為僕所敗其黨杜宗自寧海鎮率鄉民據奉化晟自平嘉埭以所部兵擊之執宗不殺使還台州獲其粟悉屬於本道遂為奉化鎮將餘姚相嘉侵越州董昌傑之不利刺史鍾季文遣晟領兵攻嘉擒殺之昌授晟充浙東道東西副指揮使本州刺史及錢鏐舉師晟率衆應之在任十八年卒遺疏不請其子為嗣凡府庫所蓄必題曰送使其忠順如此

宋

沈起

宋史本傳字興宗鄧人進士高第調滁州判官

遷知海門縣縣負海地卑歲海潮至冒民田舍
起為築堤百里引江水灌漑其中田益闢御史中
丞包拯舉為監察御史乞復府兵汰冗卒通判越
州改知蘄楚二州京東歲饑盜起除提點刑獄至
則開首贖法攜其伍盜內自睽疑轉相束縛惟恐
後改開封府判官為湖南轉運使召為三司鹽鐵
副使直舍人院熙寧三年韓絳使陝西加起集賢殿
修撰陝西都轉運使慶州軍變將寇長安起率兵
討平之會絳城綏州不利起亦罷入知吏部流內
銓奉使契丹至王庭其位著乃與夏使等起曰彼
陪臣爾不當與王人齒辭不就列遂升東朝使者
自是為定制六年拜天章閣待制知桂州起生平
喜談兵嘗以兵法謁范仲淹仲淹器其材注孫武
自書以見

俞充

宋史本傳字公達鄞人登進士第熙寧中為都水丞加集賢校理淮南轉運副使遷成都路轉

運使茂州羌寇邊充上十策禦戎神宗遣內侍王中正司經制建三堡復永康為軍因殺羌衆中正還國舉充可任召判都水監河決曹村充往救護還陳河防十餘事加集賢殿修撰擢天章閣待制知慶州慶陽兵驕充嚴約束斬妄言者五人於軍門間有病苦則巡撫勞餉死不能舉者出私財以周其喪以故莫不畏威而懷惠環州田與夏境犬牙交錯每獲必遭掠多棄弗理充檄所部復以時耕植山夷叛舉戶亡入西者且三百充遣將張守約耀兵塞上夏人亟反之充帥邊知帝有用兵意屢倡請西征言願得乘傳入覲面陳攻討之畧詔令掾屬入議未及行卒

樓异

四明郡志字試可鄞人郁之孫政和七年守鄉即廢廣德湖為田造大舟以供高麗使者甚稱

上意守睦州方臘反昇備禦六邑土著不敢附臘以孫鎬貴贈太師楚國公

李侂

延祐四明志字子列奉化人慷慨好義父珂知其才壯歲以家事屬之建炎三年金人至縣有

義社號趨勇侂裏餽糧引趨勇逆擊於泉口金人不敗進時北士多南渡見義勇所聚咸依之三槐王從奉其親依義社聆其語北音也將殲之侂審其士族復館禮焉孫元白曾孫以稱同登進士以制亦進士第

董之邵

弘治奉化縣志宣和間睦寇起浙東震動之邵承命防捍補承信郎建炎三年同李侂任

戡禦金人於泉口紹興間使

三韓充中節使轉修武郎

任戢

兩浙名賢錄字彥遠奉化人少英敏多勇畧每慕張子房諸葛孔明之為人嘗嘆曰二賢若在

吾願為之執鞭與同邑李侑董之邵以慷慨好義
稱建炎三年金人入明州大掠諸縣戢與侑之邵
奮義鼓勇共率家丁數百人禦於泉口每乘間
出奇以擣金金不敢犯奉化得全官修武郎
劉相如輿地紀勝鄞人建炎三年高宗幸海張俊自
封以王爵金人將犯明州相如助俊
逆戰遂留以抗金因與金戰破之

明

張楷

湯斌張楷傳字式之慈谿人永樂進士宣德初
奉命督關中車騎從北征先期而集正統中擢

左僉都御史福建鄧茂七反詔御史丁瑄乘傳往
撫而以楷監左都督劉聚及都督僉事陳榮陳詔
劉德新等兵往討之至南畿分遣德新由江西建
昌會邵武而自以三千人由浙入閩時處州賊葉

宗留掠鉛山道梗楷軍至廣信不得前浙東諸司
請楷便宜擊宗留楷乃使指揮戴禮往戰黃柏鋪
宗留中流矢死賊退保陰漿源山復擁葉希八為
帥而茂七悉衆趨延平麗水益陳鑑湖亦與茂七
等聲援希八等見官軍起閩復出掠欲引衆走浦
城楷復命戴禮及陳榮會擊希八等而鑑湖從旁
設伏夾攻榮禮死焉朝廷命寧陽侯陳懋尚書金
濂往討楷謂劉聚曰賊聞大軍至必有懼心可因
以攜之即具榜遣人馳諭威信時賊圍將樂劉德
新乘夜襲破之而寧陽侯大軍亦至楷方駐兵建
寧乃陰致賊黨為間謀誘茂七復攻延平於是設
伏後洋沙溪而以輕兵挑之佯敗賊追入浮橋丁
瑄督軍出城突擊賊遂大潰茂七中流矢死鑑湖
未克楷旋師協擒之景泰元年回朝天順初為南
京右僉都御史
入賀卒於京

王來

傳詳
名臣

陳濂

萬厯寧波府志字德清鄞人正統進士授主事累陞廣東按察副使巡視海道園山瀕海盜勢猖獗濂親冒矢石誓不與賊俱生忽雷電交作風雨晦冥盜迷暗擊殺俘馘無算海南肅然歷陞巡撫廣東都御史時洊歲兵興供億師旅勞止日甚濂懇懇矜惻如或傷之又奉命總督漕運後巡撫直隸兼巡紫荆關

直隸兼巡紫荆關
諸要害疾作卒

項榛

萬厯寧波府志字思誠奉化人景泰辛未進士授御史奉勅征討四川筠連等縣蠻夷銜命以

往親冒矢石率先戎行險阻瘴癘一無所避得以成功因積勞致病回朝復命卒於邸舍

金澤

獻徵錄字德潤江寧籍鄞人成化進士授刑部主事歷陞四川叅政播州宣慰厚饋金幣却之

欽定四庫全書

卷一百七十二

草三長官司撫安七十二寨夷民駢首歸命流賊
李廣蜩聚五千餘人殘通江東鄉王伯榮焚蕩縣
治澤前後設畫偵其渠魁而殲之銅梁新設民多
負固撫巡帖服獲賊野王剛鼓衆猖獗三省督兵
會勦澤下重賞之令竟平之弘治五年陞廣東布
政使時汀漳盜起嶺南湖湘不逞者和之朝議設
巡撫憲臣置司要地而割附近郡縣以隸之使盜
易平乃陞澤為副都御史巡撫江西南贛便宜行
事澤先榜令自首嚴督緝捕斬賊首滿天明等八
百人論功罪明賞罰人多感奮思效孫獠洞蠻聞
風向化陞南京刑部右侍郎改兵
部陞右都御史正德元年致仕

姚鏌

獻徵錄字英之慈谿人弘治進士除禮部主事
累推僉事副使正德九年擢貴州按察使十五

年拜右副都御史巡撫延綏嘉靖五年遷右都御
史提督兩廣軍務兼巡撫四川土官岑猛謀不軌

鎮令都指揮沈希儀結猛婦翁岑璋共圖猛調永
順保靖兵分道進討而鎮與總兵官朱麒等攻破
定羅丹梁猛子邦彥以勁兵守工堯隘璋佯以兵
千助邦彥北官軍來攻千人呼曰兵敗矣遂潰官
軍大破之斬邦彥猛奔歸永順璋誘而酖殺之斬
首以獻詔進鎮左都御史加太子太保鎮請改設
流官陳善後七事制可乃命叅將張經等以兵萬
人鎮其地猛黨盧蘇王受等詐言猛不死借交趾
兵二十萬且至夷民信之蘇等薄城經突圍走城
遂陷受亦攻入思恩府巡按御史石金劾鎮失策
帝以鎮有功許便宜撫勦會起王守仁督兩廣軍
帝入張璁等言落鎮職閒住十三年三邊閱總制
大學士費宏薦鎮帝遂命以兵部尚書總制三
邊軍務鎮辭帝不悅仍落職閒住家居數年卒
陳槐 甬上耆舊傳字公輔鄞人弘治進士歷知撫州
宸濠反郡盜王浩八約為內應是日即嘯聚槐

已在告家人趣槐曰可以行矣槐奮然曰國家有急以解官為辭罪當死即發兵襲殺浩八會都御史王守仁檄會諸道兵討賊槐遂更募義勇四百人率所部馳赴軍門守仁即用槐為領哨官使潛分所部之半設伏黃家渡八字腦諸處及前鋒既交伏兵呼譟並起賊遂大潰擒賊首王拱枏覲等七人又提兵轉戰沿湖諸處遮截宸濠俘斬千餘復九江郡守仁獻俘至浙槐已遷江西按察副使尚留在軍守仁更奉命還撫江西謂惟槐可任事使押發宸濠詣行在槐至留都獻俘太監張永語槐曰上欲得內外官交通宸濠姓名槐力陳不可謂光武燒吏人交關王郎書使反側子自安近日李文達公奏請內外官與曹欽通者不問此俱聖主賢相事上宜遠法光武公宜近法文達永乃盡取篋中交通書籍對槐焚之值辰州苗叛改槐湖廣兵備疾革引歸

陸稱

閩書字君美鄞人弘治進士授御史巡按福建

海寇充斥稱演水戰火攻法拒擊之設畫樹防什伍海艘程出入時往來立賞格嚴哨探定保甲邊微肅然汀漳民嘯聚為盜當路者屬以兵事稱增築三堡據險守要謀賊半至麾伏兵突之張奇夾擒俘馘無算

後被論免歸

汪玉

分省人物考字汝成鄞人弘治進士授刑部主事歷陞湖廣按察司僉事攝辰沅兵備永順宣

慰司恃富強稱兵侵保靖地會勅大臣按治受指有所左右玉持益堅卒正其罪香爐山土夷叛合湖貴兩省兵討平之玉贊畫居多更巡武昌黃州會宸濠陷九江九江與黃蘄斬接壤玉入蘄戒諭修城增陴募民集兵越宿而辦巡按毛伯溫疏玉才擢郴桂兵備副使賊首王廷鑑為患玉率民兵搗

其巢悉殲之歷擢右僉都御史巡撫順天畿內賊楊恭作亂玉調參將郝通授之方畧不數日擒之

魏英

天啟慈谿縣志字士華舉進士授博士進御史按四川土官安鼉暴亂三十餘年設法擒之奉

命閱京營以卒伍耗損坐為勲戚權閹所隱占一糾以法陞湖廣副使永順保靖二宣慰分占峒寨讐殺累年英下車為理曲直示憲典刻竹符多寡定罪遂皆懾伏歷進都御史巡撫貴州會貴西苗阿雜為亂英按形勢覘虛實授方任能環師急攻破寨六百俘斬數千招降以萬計蜀寇方肆流劫諸郡兵連湖湘英選兵搗其腹中連戰破之斬獲甚衆因積勞致仕

劉鼎

萬厯定海縣志字伯銘定海衛指揮僉事狀貌雄偉擢把總備倭正德初江西姚源寇起督勦

大臣檄鼎為偏裨鼎奉檄呼家人語曰謹守室廬今日受命即捐身報國時也出門簡徒而行竟奏

克捷陞授浙江都指揮僉事時劉瑾用事繼以宸濠陰謀內使充斥道上頤使武弁而奸徒復為宸濠逆應鼎密與臺司協謀設備擒之嘉靖初總督備倭年且七十躬行邊徼簡閱徒旅謂其屬曰祖宗為慮深遠立法周至吾輩恪守之而已尋致仕家居任邊計者多所咨訪年近八十而終

屠大山

而上者舊傳字國望中進士知合州歷推按察副使備兵徐州值流賊大發掠州縣大山身督兵與戰賊敗走歷遷副都御史巡撫廣東酉陽蠻界思州自王守仁蕩平後稍竄伏不出至是苗民吳黑單更擁眾破城郭遠近戒嚴大山出奇兵設伏左右翼盡殲之楚中平人謂功不在新建下遷工部右侍郎再撫湖廣討斬妖賊馮三兒晉兵部右侍郎總督湖廣川貴軍苗龍氏覃氏獻結共擾楚大山以計間之使相攻因以大兵攻之苗悉平朝議方召大山為兵部侍郎而嚴世蕃數有

覲於大山人或諷大山少賂入即得內名大山曰
吾老矣顧鉛粉為容無乃違三十年素志耶卒不
為通世蕃大衙之會倭入犯所遇侵掠乃降大山
巡撫應天甫至官而叅將許國戰敗世蕃嗾言官
劾大山
遂罷歸

馮岳

歷獻徵錄字望之慈谿人嘉靖進士除工部主事
歷陞濟南知府郡多巨盜黨與竄名府胥中蹤
跡詭秘人莫之覺廉得其實一日盡縛之盜遂屏
跡改延平計擒巨盜竅署缺嘴閩郡底寧累陞右
副都御史巡撫湖廣晉總督湖廣川貴軍務岳以
鄖陽居三省之中城垣未建無以捍禦城之蟠兩
山諸苗三苗遺種也屢討屢叛岳撫勦並行獻俘
於朝奏建容美等十四司統轄之三省數寧又勒
印水酉陽小平茶等苗俱捷岳以沅州為總督間
府之處土城易壞易以石而增廓之巍然稱巨鎮

馬播州苗酋阿項驍勇善戰煽誘滑潭三牌諸苗
為亂侵掠旁郡三省震動授總兵官石邦憲等以
方畧斬首數千級阿項奔突馬蹶擒斬之諸苗悉
平親詣賊巢視諸要害建築屯堡列戍分哨為久
安計捷聞進右都御史兼兵部右侍郎陞南刑
部尚書乞休歸里萬厯辛巳卒賜祭葬如例

顧

調兵部陞員外郎於九邊智勇之士廉訪登記

佐尚書以易置無不當擢河南按察司僉事攝徐
州兵備道徐州地跨江淮多巨猾劇盜州從容料
理而地方寧謐遷福建布政司叅議時倭賊猖獗
而福寧尤急巡撫王詢檄往勦之州馳至其地一
捷於泰興再捷於大金閭峽三捷於州城之外賊
大挫逃遁擢四川按察副使松潘軍夷雜處叛服
不常州動中機宜形格勢禁發即就戮因條畫五
事嚴責成以馭兵威遠權事宜以防奸制變復舊

額以賞夷安邊完逋餉以足食養兵設官攢以典
司出納巡撫羅崇奎謂疆圉大計無過於此乃疏
請行之而卹
堅請致仕歸

陸銓

傳詳
循吏

陳茂義

兩浙名賢錄字喻之慈谿人嘉靖進士授南
工部主事改北員外武定侯郭勛以手札取

馬價銀二萬兩茂義曰馬價祖宗儲以備邊營札
何為者寢之陞廣西布政司右叅議土酋盧回縱
所部劫掠督臣檄茂義撫勦茂義親履其地視諸
酋皆巖巢犂洞上記曰譬之鼯鼠山潛可不煩兵
而定迺單騎往諭以禍福回率隊長五十餘人歸
命而副將張經危言以激督臣竟梟回首回黨盧
全盧派間回死復聚衆為亂聲擊武緣諸城總臣
復命茂義招諭之全派知茂義來相謂曰是活我

生命陳爺乎投戈羅拜思恩一帶悉被安堵陞廣東按察副使兵備瓊崖黎寇羅常那剛倡亂茂義航海勒兵擊破郎溫椰根諸洞俘馘招降又慮夷獠雜居易生他變更條上八議為善後計遷廣西左布政叅議以母老乞歸卒

張

淵鄧縣志字惟本嘉靖進士授興化府推官攝仙遊篆值瀕海塘圯侵及廬舍淵發粟廩饑民計

日授役塘成而民得濟陞南京工部主事遷知武昌府陞山西副使備兵紫荆有妖賊與劇盜相倚乘機倡亂淵素善風角得勝占密授方畧卒以破賊生擒渠魁陞江西叅政歷任廣東貴州左布政使投効歸

葉應乾

兩浙名賢錄字際清慈谿人嘉靖進士授高安縣累遷四川按察副使備兵建昌建昌居

叩雙間地險惡六衛衛長戎政久不修應乾登壇下令比什伍而訓練之懸賞格以勵勇者於是人趨距就節制會土酋安忠死忠妻鳳氏自請龍官而從弟信謀攘之遂橫決自恣月朔以戎服見擁甲士自隨應乾使人陰布部兵於外而令材官有力者尾之入應乾臨立呼信跪堂下數以諸不法事叱令縛之信懾不敢出氣遂就縛而甲士在外者見所布部兵按劍立如堵牆皆奉首竄即檄鳳氏兵擊其餘黨殲巨酋三百人境內始定而滇南鳳繼祖亂應乾計繼祖聚於會川會川者建昌所屬衛也先遣兵守金沙江以扼繼祖之至已而繼祖果以萬衆渡金沙遂合滇師夾擊之應乾躬擐甲胄冒矢石為將士先遂破其軍繼祖以隻身逃匿山中不敢出向鳳氏故德應乾而其母為繼祖所害每欲復仇應乾知之密召鳳氏至授以方畧使圖之鳳氏使間其所親者為內應而自以兵

威之遂斬繼祖事平當
論功而被劾落職歸

陳茂禮

兩浙名賢錄字履卿慈谿人博綜墳典至太
乙奇門無不通曉嘉靖進士授工部主事倭

蹂江南改兵部郎叅謀軍務時倭困江陰久茂禮
往援選銳卒三十人駕小舟直進倭舞刀跳躍兩
岸兵欲射之茂禮曰此誘兵也即微服入城倭駕
三十六舟沿城重載出江口掛蓬三桅工以火箭
射其風帆諸倭還舟救火茂禮急撒水兵總張成
張祚等邀截江口諸兵蹢而圍之茂禮屈指曰尅
在明日午時翼午果斬首數百級而兵無一傷者
倭據沈莊為巢分兵大掠茂禮督宣慰彭翼都司
李經等由乍浦入為右哨劄營未久茂禮忽見異
氣起營上急令移營數十步倭發礮震故營將吏
懼聲動地茂禮乘而鼓之躬率精銳突其中堅諸
哨從之無不以一當百遂大克斬首千餘級賊酋

欽定四庫全書

卷一百七十二

徐海璣馬以功擢江西兵備副使姚源故巢賊盤踞支蔓巡撫何顒聞其禮至即以兵屬之茂禮分左右哨三面進兵約日同發而獨空其要路一面潛令指揮率精兵三百伏道側戒之曰某日某時有衣色衣而奔者皆賊也悉擒之賊聞三道進兵而一路獨無果易服而遁伏兵起掩之悉平改備兵瓊

州卒

史元中

甬上耆舊傳號鹿泉野人少任俠善射鄉舉謁選靖江學教諭遷知魚臺縣盜有簡端者

善運稍肥劣馬出沒莫可踪跡元中廉得其親信授以計縛簡卧庭下張目曰吾左手持稍右短兵橫行千里間今乃為書生掄取耶元中笑曰汝輕書生耶即起著短衣持其所用稍運之左右迴旋如舞匹練忽喜然稍斷為三擲示簡曰汝稍豈足用耶簡叩頭稱死離魚臺三十里有獨山大盜劉

儀久嘯聚其中開府曾銑議進剿以元中為前鋒
元中知有謀者在軍乃命植一竿百步外手扶矢
誓曰若一舉滅賊當三矢中此竿三發三中即察
得謀者三人釋其縛賜以酒食笑謂曰汝來觀吾
射耶謀者股栗盡吐賊虛實及所入徑道元中立
提兵襲其寨擒儀還銑手書平寇第一功相贈銑
總制三邊奏復河套檄元中同事不果行後入覲
值銑為相嵩所害喟然曰事尚可為耶即日掛冠
歸里時年四十二
家居四十年卒

馮成能

天啟慈谿縣志字子經嘉靖進士授福州推
官適叛兵五千行劫成能扁舟抵寨諭以禍

福即解散徵授刑科給事中歷兵工二科擢湖廣
叅政時金崗土官覃壁縱寇掠成能集兵夜搗黑
崗火其營遂擒之陞貴州按察使水西安酋相攻
至噪入貴陽成能召而諭之即去以二酋故從征

金尚素威服之也遷四川布政使督府曾省吾勦九絲賊與總兵劉顯相左顯按兵不動成能請急賞其用事者人人感奮協謀襲破九絲俘斬以萬計拓地千里建武寧城凱旋以勞瘁卒於官

楊尚英

余州史料字時俊其先九江之德化人以功得千戶調鎮海衛生有膂力猿臂善射及長

長七尺餘虬髯額顙若神踰冠嗣父職屬倭亂海上尚英起行間水陸大小數十戰多有功績其官自署指揮僉事指揮使都指揮同知以至都督其職自把總瀏河以至總兵於浙其階自昭勇明威以至驃騎將軍其寵也擬以雲中副將名不果感疾卒尚英有膽決饒權畧撫部曲以恩信故去而多思之

萬表

寧波府志字民望指揮僉事椿子父早世事母孝年十七襲職好學尚氣節中正德十五年武

會試累擢廣西副總兵充漕運總兵官僉事南京中府萬氏三世從征死王事表身際承平以才望為朝臣所推督漕久國計贏詎河渠通塞靡不曉暢二洪水涸漕舟竝阻議者謂黃河改流表著論折之又具疏極陳本折通融為國長利而又欲開河北山東圻內一帶荒田重農薄賦為漸減歲漕之地議者難之海上倭起表散家財募死士欲往奮擊會以都督僉書南京中府道經蘇州遇倭婁門率所募士及少林僧挫賊鋒中流矢遺書於子曰我家世以力戰報國我獨持文墨不任兵晚年增一箭癰不亦美乎時賊據七團八團為巢官軍數不利表言於巡撫周珌曰賊據內地久民不得田逋日積而徵調不已相率為盜是驅之助賊也宜蠲逋弛役懸賞格以招之且下募兵令土著之餉與客兵等則人人樂歸得士千即損賊千也議行歸者寔衆而賊方蜂屯諸島歛汪直者以驍雄

魁其曹表策其可誘而縛也薦同邑人蔣洲張惟遠使為間未及行而表卒後總督胡宗憲卒遣洲以致直實表之謀也表將家子通經術熟先朝典故所著書甚夥武臣中有儒學者表為著

胡守仁

開書字子安觀海衛人起家世胄領軍有功歷官福建副總兵海寇林鳳糾黨剽掠巢彭

湖島守仁率把總王漢等剪除之隸威繼光麾下從繼光談兵嘗記繼光所授為紀效新書練兵寶錄

李環

定海縣志字宗復世襲指揮嘉隆間試浙江武闈三中式繼中萬歷武進士服官海上多戰功

隆慶二年海潮之薄北閩也環隨鎮帥劉顯步禱後增築內城葺工與有勞焉子一鳴字有聲襲父職任臨觀備倭陞貴州清浪參府以征苗之績陞狼山副將改海門參將

李樑

續獻徵錄字長弼鄆人萬厯進士授行人擢御史歷遷右僉都御史巡撫貴州水西宣諭同知

安邦彥者宣慰使克臣族子克臣死子位幼邦彥遂擅兵柄會朝議徵西南兵入援邦彥請行樑止之邦彥歸為反謀樑累疏請增兵益餉朝置不問遂乞休以王三善代而永寧奢崇明反重慶陷遵義貴陽大震樑留視事治戰守具遣兵援四川屢捷復遵義綏陽等或傳崇明陷成都邦彥遂挾安位反四十八支及他頭目安邦俊等蚤起相應烏撒土目安效良亦與通邦彥首襲畢節陷其城分兵陷安順平濶效良亦西陷霑益邦彥自統水西軍及羅鬼苗仲數萬東渡陸廣河直趨貴陽樑聞變急議城守分兵為五令僉事劉錫元及叅議邵應禎都司劉嘉言故副總兵劉岳分禦四門樑自當北門之衝巡按吏永安居譙樓團街市兵防內變學官及諸生督民兵分謀守賊至盡銳攻北城

樓迎戰敗之轉攻東門為錫元所却賊乃為三丈樓臨城樓夜縋死士燒其樓賊又作竹籠萬餘土壘之高踰睥睨樓急撤大寺鐘樓建城上賊棄籠官軍出燒之數出城邀賊糧賊怒遍燒村砦初總兵張彥方來救賊縱之入城曰使耗汝糧城中果大因川貴總督張我續巡撫王三善擁兵不進會彥方出戰得利賊退保宅溪樓遣裨將商士傑等乞援兵賊謂城必拔沿山為營柵隔內外間旬日始一攻輒引去副總兵徐時逢叅將萬仲仁來援遇賊變城河食盡仲仁兵先逃賊乘虛擊之軍盡潰援遂絕賊聞三善將進兵益日夜攻架木高坡以瞰南城樓募死士燔之火五日夜三善被詔旨大舉破重圍而進十二月七日師抵城下圍始解幾一年矣樓辭兵事解官去熹宗進樓兵部右侍郎崇禎九年叙守城功進一秩資銀幣久之卒於家

謝渭

定海縣志字道遊萬厯進士授評事天啟中歷官安綿道兵巡副使時蜀有安奢之亂距綿千

二百里為永寧故蘭穴也宿土客兵及土蠻降蠻兵不下十萬怙亂不可約束總督朱燮元遣渭往彈壓之蠻伍以監軍新至未習兵輒大譁索餉副將秦翼明者最雄黠實陰鼓衆渭召而數之曰汝石柱土司朝廷以汝為才署為將今軍心不戢汝之罪也汝負國恩宜死翼明惴服願捕誅者自贖已而奢寅合水西兵三萬猝寇永寧渭破之斬首二千餘級寅圍海子洞渭遣裨將於龍場壩截其歸路而身率兵擊之追至寥官砦寅僅以身免初蘭驍將余四等五人以衆降至是水西結為內應渭晰其反狀斬之懸首於城安奢愈恐又偵寅乏食計給其黨阿引使擒寅自効而蜀民初為寅所掠者亦乘其饑招之使歸乙丑正月率兵援黔中道經馬壩壁獐諸洞皆寅黨也便宜先剪之先是

渭已推山東糧儲叅政兵科上疏留之遂改守川東道尋陞按察使而阿引竟斬寅以報又渭嘗屢挫松潘外番猱四十八砦之兵蜀人思其恩績

萬邦孚

甬上者舊傳字汝永表之孫也襲爵指揮三領漕運遷山東都司僉書入衛值三殿災邦孚率三千人夜從大司馬救火上命毀五鳳樓以保承運庫邦孚曰樓為國家象魏不可撤臣請併力衛庫乃令軍士各持濕絮被覆屋運水灌之樓得竝存會援朝鮮邦孚出督龍江水師守鴨綠江通饋運晉叅將守溫處閩盜詐稱商人入浙地殺掠揚帆而去莫可詰邦孚命分閩浙海界商船不得越境閩商入浙則東浙舟商入閩亦如之遂著為令再遷以都督僉事總福建兵修戚繼光遺法壁壘一新有外島舟失風被獲當事欲駢誅報首功邦孚持不可曰借風濤之力以膏吾刃吾不

忍為也所獲三十五人
盡釋之未幾引疾歸里

高斗樞

鄞縣志字象先鄞人崇禎進士授刑部主事歷遷長沙兵備副使湖南民不知兵長沙止

老弱衛卒五百又遣二百戍攸縣城庫雉堞盡圯斗樞建飛樓四十大修守具臨藍賊艘二百餘由衡湘抵城下相拒十餘日乃引去轉攻袁州遣都司陳上才躡其後賊亦解去尋擊殺亂賊劉高峯等撫定餘衆詔錄其功巡撫陳睿謨大征臨藍寇斗樞當南面大小十餘戰賊盡平累進按察使移守鄖陽鄖被寇十載斗樞至甫六日張獻忠自陝引而東斗樞令遊擊王光恩及弟光興分扼之戰屢捷賊不敢犯十五年冬李自成陷襄陽均州攻鄖陽四日而去明年春復來攻十餘日不克乃退屯楊溪斗樞召遊擊劉調元入城旬日間殺賊三千餘自成將來攻卒不克而去乃令光恩復均州

調元下光化躬率將士復穀城將襲襄陽聞孫傳庭敗旋師均州復為賊有十七年正月自成遣將路應標等以三萬人攻鄖斗樞遣人入均州曉其蓄積賊乏食而退是時湖南北十四郡皆陷獨鄖在撫治王永祚被逮衆議即任斗樞而執政擢知府徐啟元為右僉都御史代之加斗樞太僕少卿

出

還家

卒

裴兆錦

定海縣志字紹東慈谿人崇禎間由山東宛

州府通判以登州功撫按會題邊才轉寧紹參將駐舟山時海疆備弛將士離伍兆錦一以法約之日習止齊擊刺民賴以寧後陞鎮守廣東總


官兵

浙江通志卷一百七十二

謹案卷一百七十一第二十七頁後七行黯以鹽
人刊本黯訛景今改

第三十八頁後一行光祉是之刊本社訛祖今改
第一百七十二第二十二頁後五行加起集賢殿
修撰刊本脫修字今增

第三十頁後七行以隻身逃匿山中刊本逃訛跳
今改



欽定四庫全書

史部

浙江通志卷一百七十三
四

詳校官給事中臣戴璐

檢討臣德生覆勘

總校官編修臣倉聖脈

校對官中書臣吳甸華

謄錄監生臣沈浩

欽定四庫全書

浙江通志卷一百七十二

人物

四

武功

三

紹興府

漢

丁復

漢書功臣表陽都敬侯丁復以越將從起薛至

彭城為大司馬破頊籍於葉
為將軍忠臣侯七十八百戶

合傳胡害

漢書功臣表貫齊侯合傳胡害以越戶將從破秦入漢定三秦以都尉擊項籍侯六

百戶功
比臺侯

華毋害

漢書功臣表終陵齊侯華毋害以越將從起留入漢定三秦擊臧荼侯七百四十戶從攻

馬邑
及布

革朱

漢書功臣表煮棗端侯革朱以越連敖從起薛別以越將入漢擊諸侯以都尉侯九百戶

鄭吉

漢書本傳會稽人以卒伍從軍數出西域由是為郎為人彊執習外國事自張騫通西域李廣

利征伐之後初置校尉屯田渠黎至宣帝時吉以侍郎田渠黎積穀因發諸國兵攻破車師遷衛司馬使護鄯善以西南道神爵中匈奴日逐王先賢揮欲降漢使人與吉相聞吉發渠黎龜茲諸國五

萬人迎日逐王口萬二十人小王將十二人隨吉
至河曲頗有亡者吉追斬之遂將詣京師漢封日
逐王為歸德侯吉既破車師降日逐威震西域遂
并護車師以西北道故號都護都護之置自吉始
焉上嘉其功效迺下詔曰都護西域騎都尉鄭吉
拊循外蠻宣明威信迎匈奴從兄日逐王衆擊破
車師兜訾成功效茂著其封吉為安遠侯食邑千
戶吉於是中西域而立莫府治烏壘城鎮撫諸國
誅伐懷集之漢之號令頒

西域矣吉薨諡曰隱侯

綦母俊

會稽典錄俊上虞人交趾刺史拔濟一郡諡
爵土之封廣西通志安帝元初三年合浦反

遣御史任遠督州郡兵討之俊以蒼梧當合浦下
蠻或流劫猝難回顧乃先保障蒼梧後往合浦所
向推靡功當封賞上書歸功於遠自謂
致寇當誅詔下美之論者稱俊能讓

欽定四庫全書

卷一百七十三

朱儁

後漢書本傳字公偉上虞人少孤以孝養致名為門下書佐好義輕財度尚見而奇之薦於太

守韋毅稍歷郡職後太守尹端以儁為主簿太守徐珪舉儁孝廉除蘭陵令會交趾部羣賊並起賊梁龍等萬餘人與南海太守孔芝叛攻破郡縣光和元年拜儁交趾刺史令過本郡簡募家兵及所調和五千人分從兩道入到州界按甲不前先遣使詣郡觀賊虛實宣揚威德以震動其心既而與七郡兵俱進逼之遂斬梁龍降者數萬人旬月盡定以功封都亭侯徵拜諫議大夫及黃巾起拜為右中郎將持節與左中郎將皇甫嵩討潁州陳國諸賊悉破平之進封西鄉侯遷鎮賊中郎將時南陽黃巾張曼成起兵太守秦頡擊殺曼成賊更以趙弘為帥眾十餘萬據宛城儁及頡合兵圍弘擊斬之賊韓忠復據宛拒儁兵少不敵乃張圍結壘起土山以臨城內因鳴鼓攻其西南賊悉眾赴之

偽自將精卒五千掩其東北乘城而入忠退保小城惶懼乞降偽曰納降無以勸善今若受之賊利則進戰鈍則乞降縱敵長寇非良計也因急攻連戰不尅偽登土山望之曰吾知之矣賊今外圍周固內營逼急乞降不受欲出不得所以死戰也不如徹圍并兵入城忠見圍解勢必自出自出則意散易破之道也解圍忠果出戰偽因擊大破之乘勝遂北數千里斬首萬餘級忠等出降頴積忿忠殺之餘衆懼不自安復以孫夏為帥還屯宛中偽急攻之夏走追破之賊遂解散明年春遣使者持節拜偽右車騎將軍振旅還京師以為光祿大夫更封錢唐侯復有常山人張燕輕勇趨捷軍中號曰飛燕與諸山谷寇賊交通衆至百萬號黑山賊河北諸郡縣並被其害漸寇河內逼京師出偽為河內太守將家兵擊却之復拜光祿大夫尋拜城門校尉河南尹董卓入關留偽守洛陽偽與山東

諸將通謀為內應懼為卓所襲乃奔荊州復進兵還洛東屯中牟移書州郡請師討卓徐州刺史陶謙上偽行車騎將軍卓遣將李催郭汜等拒偽卓誅偽入朝初平四年為太尉明年免復行驃騎將軍事持節鎮關東未發會汜與催相攻獻帝詔偽譬汜令與催和汜留質偽等偽素剛即日發病卒

三國吳

賀齊

三國吳志本傳字公苗山陰人建安元年孫策

察齊考廉時王朗奔東冶候官長商升為朗起兵策以齊為永寧長領南部都尉事升乞盟求降賊帥張雅詹彊等共殺升齊追戰破雅彊黨率眾出降候官既平而建安漢興南平復亂齊進兵建安立都尉府賊洪明洪進苑御吳免華當等五人率各萬戶連屯漢興吳五六千戶別屯大潭鄒臨六千戶別屯蓋竹同出餘汗齊兵進討斬明免當

進御皆降轉擊蓋竹軍向大潭三將又降斬首六
千級名帥盡擒復立縣邑拜東平校尉十年轉討
上饒分以為建平縣十三年遷成武中郎將討丹
陽黠歙時武彊葉鄉東陽豐浦四鄉先降齊表言
以葉鄉為始新縣而歙賊帥金奇萬戶屯安勤山
毛甘萬戶屯烏聊山黠帥陳僕祖山等二萬戶屯
林厯山林厯四面壁立高數十丈徑路危狹不容
刀楯賊臨高下石不可得攻齊陰募輕捷士為作
鐵戈密於賊所不備處以戈拓斬山為緣道夜令
潛上乃多縣布以援下人得上百數人四面流布
俱鳴鼓角賊夜聞鼓聲四合謂大軍悉已得上驚
亂守路備險者皆走還因是直上大破僕等其餘
皆降齊復表分歙為新定黎陽休陽并黠歙凡六
縣立府於始新加偏將軍十六年餘杭民郎稚合
宗起賊數千人齊討破稚表分餘杭為臨水縣十
八年豫章民彭材李玉王海等為亂齊討平之遷

奮威將軍二十年從權征合肥徐盛被創失矛齊
引兵拒擊得盛所失二十一年鄱陽民尤突為賊
齊討破突拜安東將軍封山陰侯出鎮江上黃武
初魏使曹休來伐齊以道遠後至因住新市為拒
會洞口諸軍遭風流溺賴齊未濟偏軍獨全齊兵
甲器械極為精好所乘船雕刻丹鏤青蓋絳檐干
櫓戈矛葩瓜文畫弓弩矢箭咸取上材蒙衝鬪艦
之屬望之若山林憚之引軍還還後將軍假節領
徐州牧後四年卒子
達及弟景皆為佳將

鍾離牧

三國吳志本傳字子幹會稽山陰人赤烏五
年從郎中補輔義校尉遷南海太守還為丞

相長史遷中書令會建安郡陽新都三郡山民作
亂出牧為監軍使者討平之封秦亭侯拜越騎校
尉永安六年蜀併於魏武陵五谿夷與蜀接界懼
其叛以牧為平魏將軍領武陵太守往之郡魏遣

漢髮縣長郭純試守武陵太守率涪陵民入蜀遷陵界屯於赤沙誘致諸夷邑君或起應純進攻酉陽縣郡中震懼牧問朝吏曰邊境見侵何以禦之皆曰今二縣山險諸夷阻兵不可以軍驚擾驚擾則諸夷盤結可遣恩信吏宣教慰勞牧曰不然外境內侵誑誘人民當及其根柢未深而撲取之此救火貴速之勢也勅外起嚴掾史阻議者便行軍法撫夷將軍高尚說牧曰昔諸太常督兵五萬然後以討五谿夷是時劉氏連和諸夷率化今既無往日之援而郭純已據遷陵明府以三十兵深入未見其利牧曰非常之事何得循舊即率所領晨夜進緣山險行垂二千里從塞上斬惡民懷異心者魁帥百餘人及其支黨凡千餘級純等散五谿平遷公安督揚武將軍封都鄉侯徙濡須督以前將軍假節領武陵太守卒子偉代領兵

晉

謝琰

傳詳忠臣

戴逵

晉書謝安傳逵字安卿處士逵之弟號勇多權畧遠厲操束山而逵以武勇顯謝安嘗謂逵曰

卿兄弟志業何殊逵曰下官不堪其舅家兄不改其樂以軍功封廣信侯位至大司農

南北朝

孫處

宋書本傳字季高永興人字行於世高祖東征孫恩季高隨高祖平定京邑以為振武將軍封

新彞縣侯廣固之役先登有功盧循之難於石頭扞柵戍越城查浦破賊於新亭高祖遣季高率衆三千汎海襲番禺初賊不以海道為防季高至東甌去城十餘里城內猶未知循守戰士猶有數十

千人城池甚固季高先焚舟艦悉力登岸會天大霧四面陵城即日克拔循父擬長史孫建之司馬虞廷夫等輕舟奔始興即分遣沈田子等討平始興南康臨賀始安嶺表諸郡循衆力猶盛自嶺道還戴廣州季高據戰二十餘日循乃破走追奔至鬱林會病循走交州義熙七年季高卒追封侯官

縣侯

戴僧靜

南齊書本傳永興人少有膽力便弓馬太祖撫畜之魏園甬城遣僧靜戰盪數捷袁粲據

石頭太祖遣僧靜將腹心先至石頭時蘇烈據倉城僧靜射書與烈夜絕入城粲登城西南門列燭火處分臺軍至射之火乃滅回登東門僧靜率力攻倉門身先士卒衆潰手斬粲於是外軍燒門入以功除前軍將軍沈攸之事平封興平縣侯太祖即位改封建昌遷太子左衛率世祖踐阼出為北

徐州刺史永明五年隸護軍陳顯達討荒賊垣天生於比陽僧靜前進未至四十里頓深橋天生引魏步騎十萬奄至僧靜合戰大破之殺獲萬計天生退還比陽僧靜進圍之天生軍出城外僧靜又擊破之除淮南太守徙

高平太守卒諡壯侯

陳引叔

南齊書戴僧靜傳引叔本名承叔餘姚人彊辨果捷便刀楯初為左夾轂隊將泰始初隨

太祖東討遂從征伐以功封當陽縣子官至太子左衛率永明三年卒

王琳

傳詳忠臣

韓子高

南史本傳山陰人寓都下陳文帝出守吳興子高年十六於淮渚附部伍寄載欲還鄉里

文帝見而問曰能事我乎子高許諾稍長習騎射有膽決願為將帥及平杜龕配以士卒文帝之討張彪

也帝據州城周文育鎮北郭香巖寺張彪自剡縣
夜襲城帝自北門出倉卒闇夕軍人擾亂唯子高
在側乃遣子高自亂軍中往見文育反命酬答於
闇中又往慰勞衆軍帝散兵稍集子高引入文育
營因共立柵明日敗彪彪奔松山浙東平帝分麾
下多配子高帝嗣位除右軍將軍封文招縣子臨
海王即位宣帝入輔子高求出為衡廣諸鎮光大
元年前上虞縣令陸昉告子高執送廷尉賜死

隋

王猛

通志列傳字世雄父清為歐陽顧所殺猛時年
五歲母辛氏攜之適於會稽及長博涉經史燕

習孫吳兵法大建初釋褐都陽王府中軍參軍再
遷永陽王錄事參軍猛慷慨慕功名上疏陳安邊
拓境之策詔隨大都督吳明徹畧地以軍功封應
陽縣子徙晉陵太守徵為左驍騎將軍廣州刺史

馬靖不受徵除猛都督東衡州刺史領始興內史
取靖猛至即擒靖送建鄴進爵為公加平越中郎
將大都督發廣桂等二十州兵討嶺外荒梗所至
皆平貞明二年授鎮南大將軍都督二十四州諸
軍事徙鎮廣州未之鎮而隋師濟江猛總督所部
赴援及開臺城不守歎曰申包胥獨何人哉因勒
兵緣江拒守以固臣節審後主在乃遣其部將辛
昉馳驛赴京師歸款隋文帝拜昉開府儀同三司
仍詔猛與行軍總管韋洸使留嶺表經畧猛仍討
平山越奏聞文帝幸河東會猛使至大悅楊素賀
因曰昔漢武北地開喜因改縣名王猛今者告捷
遠符前事降璽書褒賞以其長子繕為開府儀同
三司猛尋卒於廣州贈上開府儀同三司
封歸仁縣公子繕襲仁壽元年諡曰成

五代

顧全武

十國春秋餘姚人從武肅王為親校常侍左

會淮南將魏約共圍嘉興全武將兵往救破烏墩

光福二寨有功還守西陵以遏淮南安仁義之師

已而敗昌將於石城復攻餘姚擒昌將徐章又降

袁邠圍越州昌嬰城自守會蘇州陷王急徵全武

趨西陵備淮南全武曰越州賊之根本奈何垂克

而棄之請先取越後復姑蘇為便攻昌殺之明年

復由海道至嘉興破淮南十八營擒淮南將魏約

拔松江破無錫連取常熟華亭逐海寇王騰已又

鮑君福

十國春秋字慶臣餘姚人沈默少言有膽畧

攻蘇州走臺濠敗周本所向無敵遂克蘇州陷崑

山降其將秦裴天復元年吳王遣李神福帥師取

杭州全武列八寨以待神福詐全福為其伏

役來歸武肅王王使領一軍號向明都君福常側
兜鍪臂弓注束矢馬上輪雙劍如飛出入陣中望
之若流電人皆呼曰鮑開累積戰功為衢州應援
指揮使屬刺史陳璋叛淮南人入其境脇君福為
職君福不納伺守者李元嗣醉遂馳歸尋受衢
州刺史吳將周本守信州屢侵信安境君福率數
騎往追之本遁去天寶十一年王子傳球攻信州
從斬吳將李師造擒偏將馮敏等功為諸軍之冠
文穆王領清海節度使辟為副使及將罷郡武肅
王勞曰比在任戰敵而已未足以盡副使才因復
命之任君福在衢州凡一十二年後遷湖州累職
保大保順等軍節度使檢校太尉同平章事兼侍
中天福五年卒年
七十七諡忠壯

鮑修讓

十國春秋君福子治軍嚴整有法累官上直
指揮使遷衢州刺史天福十二年為戍將護

李璠贊於福州璠贊叛修讓隨殺之傳首杭州顯德二年從吳承攻常州以應周世宗之師建隆元年知福州彰武軍事改上直諸軍都鈐轄使同參丞相府事

宋

孫沔

宋史本傳字元規會稽人中進士第材猛過人所在皆著能績為陝西轉運司上書言呂夷簡

識者喜其審切為環慶路都總管安撫經畧使知慶州元昊死諸將欲乘其隙大舉滅之沔曰乘危伐喪非中國體三司所給特支物惡而估高優人因戲及之沔曰此朝廷特賜何敢妄言動衆命斬之徇將佐言此特戲爾不足深罪也沔徐呼還杖脊配嶺南明日給特支士無敢譴者厯知陝西河東都轉運使又知慶州聚戰亡遺骸葬祭之軍中感泣凡三知慶州邊人服其能遷知成都府為陝

西都轉運使知徐州徙秦州時儂智高反汚入見
帝以秦事勉之對曰秦州不足煩聖慮陛下當以
嶺南為憂臣觀賊勢方張官軍朝夕當有收秦明
日聞蔣偕死帝諭執政曰南事誠如汚所料以為
湖南江西路安撫使便宜行事加廣南東西路安
撫使汚憂賊渡嶺而北乃檄湖南北曰大兵且至
其繕治營壘多具宴犒會遣狄青為宣撫使汚與
青會青與智高遇戰歸仁舖智高敗走青還汚留
治後事及還知杭州召為樞密副使後以尚書禮
部侍郎致仕英宗即位歐陽修奏汚向守環慶養
練士卒招撫蕃落恩信並著今雖七十心力
不衰遂起知河中府又知慶州徙延州卒

姚舜明

嘉泰會稽志字廷輝嵊人進士宣和二年盜
發睦州連陷杭睦衢婺處歙六州以舜明通

判婺州兵數千人穿賊境以入郭晨登義烏門治
城壁飛矢雨集舜明新率從兵以石擊賊既而引

兵出戰賊遂大潰又賊帥洪載衆四十萬據處州不下舜明訪得其母妻令載所厚范淵往諭載即解甲來降除直祕閣提點兩浙州獄建炎三年除知江州無本路安撫制置使李成擁衆三十萬至城下舜明布列將士晝夜接戰賊衆斃踣不可勝計又開闢奮擊生擒其將王林等賊攻益急舜明輒以計襲破其營復充江淮荆浙都督府隨軍轉運使曹成馬友據湖湘間反側未定命舜明往招撫遂以二賊入朝韓世忠劉光世駐軍江上朝廷以舜明計臣俾置司建鄴以總經費調發犒賞百須以給丐間除集英殿修撰提舉

張定

諸暨縣志定從軍建康時清流有磴寇屢征不服定建言寇本良民撫字失宜因而作亂願往

降之遂令攝令入洞降寇五十餘人即實授歷潛江從守鄧州後以功授閭門宣贊舍人知泰州以

言事不報去職起知
通州改守德安卒

元

楊寶

萬歷紹興府志字國華諸暨人明經通武畧補州弟子員延祐間以耆儒徵歷知吉州軍事通

寇犯境勢張甚寶募驍勇數百人躬為先鋒奮擊悉平之以功擢淮南東路檢法遷大理寺丞

董彥光

成化新昌縣志雪溪人元至正間盜馮輔卿作亂陷新昌殺彥光兄弟彥光集子弟之驍

勇者誓之曰盜吾讐也而敢為逆討逆復讐義不可失因歃歐流涕衆感憤遂軍於境上之松木嶺明日盜擁衆而西過詣隘亟邀擊之彥光挺劍直前取輔卿弟舜傳子谷彪廷輔左右翼以從賊披靡擒輔卿斬之俘其子弟姪洎徒屬數十人函其首送分省省臣大喜授武畧將軍松江萬戶僉海

道防禦運糧義
兵都元帥府事

章廷珪

新昌縣志字禹臣負奇氣與弟廷瑞相師友
元末隱居龜山至正十二年方國珍叛據城

邑廷珪奮然曰此大丈夫立功之秋也遂與從
弟廷璋集義兵設方畧防禦有功俱授萬戶

邵文澤

萬曆會稽縣志至正末值兵亂文澤率義
兵保護鄉井有功臺省署為崑山州判官

明

劉性傳

萬曆紹興府志字士原嵊人元季兵起散家
財聚兵以捍鄉邑號義兵萬戶明兵駐金華

率衆歸附陳匡國安民之策數千言稱旨
擢中書門下侍郎固辭改陝西鞏昌知府

錢古訓

萬曆紹興府志餘姚人洪武進士調行人時
緬與麓川相構緬主使使來貢而訴思倫發

上擇古訓持勅往諭至則宣上威德罷其兵麓川酋長刁子孟者謀攻其主古訓曰吾以天子使從事邊徼乃弗能靖小醜何以報命馳入其部責以大義皆稽顙無敢復逞思命發以古訓能休爭已亂薦方物欲留為援古訓却不受作書示以不可思命發得書駭汗古訓叙次徼外山川風物為書還奏之上悅付史館後

知漳州改湖廣叅議

蔣貴

湯斌蔣貴傳字大富由燕山隄衛卒從成祖起兵積功至昌國衛指揮同知進都指揮僉事移掌彭城衛宣德二年松潘蠻叛充右叅將帥兵往討首募鄉導絕險而進一日數十戰大敗之進都指揮同知鎮守密雲諸關尋充副總兵貴大開士卒進兵連破四十餘砦以功進總兵官佩平蠻將軍印正統初阿台朵兒只伯數擾塞下命貴以右副總兵禦之戰於石城斬獲功最寇竄兀魯乃地

復自鎮夷間道兼行三日夜追至敗之阿台朵兒只伯以數騎遁去還封定西伯佩平羌將軍印雲南麓川思任發叛命尚書王驥督軍務貴為平蠻將軍往討抵麓川思任發間道走孟養獲虎符金牌信符宣慰司印進封貴為侯思任發既窺其子思機發糾餘衆居麓川往來窺伺復命驥總督雲南命貴佩印往討貴至雲南檄緬甸令送思任發緬人陽聽命而遷延不至驥謂貴曰此給我也過江則阮我歸路且瘴癘將發不戰何待乃進次騰衝分軍為五驥與貴各將一軍馳之及江緬人擁衆大至驥誘其使宣言聽稿而貴潛以兵沿江工下焚其舟數百艘緬人潰遂趨者藍撒思機殺衆破之思機發脫身走得妻子部落九十餘人象十一而還正統二年總兵禦邊明年卒贈涇國公諡武勇正德諸暨縣志

貴義安卿三塘人

謝瑩

循吏傳詳

陳禧

荊州府志上虞人正統中同知荊州府事蒞政

亟勸戮僚友信之欲發兵禧曰人命至重盍察其實已而果誣貴州苗民逆命禧統兵隨大將柳侯

征之所嚮皆克論功陞湖廣右叅議

俞欽

兩浙名賢錄字振恭新昌人景泰進士選庶吉士改禮部主事兵部郎中曾川貴山都長偕九

姓土獠作亂命本兵督師往伐而以欽佐之既至

主帥以下謂宜招撫為苟安計欽獨持不可遂進

兵連拔二十餘寨斬獲六千餘人遷太常少卿進

禮部侍郎敵入大同以才畧改兵部侍郎殫心擘畫邊境以寧尋卒賜祭葬錄其子

蔣琬

吾學編貴之孫嗣侯成化初充平羌將軍總兵甘肅劾巡按御史罪狀八年為南京操江疏言

江防控扼要害保護南京根本十年召還充總兵上言六事二年充總兵出雲中塞并統制宣府山西諸軍覘敵入偏頭關斬捕有功時議徙鶚堡於滴水崖琬曰獨石入堡聲勢相首尾滴水

崖遠益難救援不
可徙卒贈涼國公

史琳

湯斌史琳傳字天瑞餘姚人成化進士授工科給事中九年出為陝西右叅議鞏昌番賊為梗

率兵掩擊盡降其眾遂出行部自安定歷會寧金蘭抵秦州增斥堠繕城堡以斷賊路又轉關中之粟以實甘涼轉江西左叅政南贛盜起督兵勦捕俘斬甚多弘治中擢保定巡撫尋以僉都御史經畧紫荆等關進右都御史大同邊警以琳提督軍務琳馳至鎮會計兵馬錢糧十四年以保國公朱

暉為大將軍出宣府都督李俊等為參將出大同與琳會師延綏覘敵兵所在乘夜將師直搗河套敵不意大軍驟至驚遁乃毀其廬帳而還入朝陳邊務十三事十七年復與暉治兵京營武宗立代載珊掌院事卒

尹浦

王守仁尹浦墓誌字文淵山陰人郡庠弟子貢業太學成化甲午授廣西南寧通判時部中久苦猺患方議發兵浦至請緩旬日稍圖之乃單騎入猺洞呼酋長與語諸酋倉卒不暇集謀相與就問所由來浦曰斯行為爾曹乞生無他疑也因具陳禍福諸酋感動相率羅拜定約而出尋督諸軍討木頭等洞皆捷庚午推同知平樂府事平樂地皆漸山互壑猺憑險出沒深翳非時剽掠浦至居月餘從土著間行巖谷盡得其形勢縱火悉焚林薄槎失藉潰散浦因盡築城堡要害據守猺來無

所匿從高嶺遠覘嘆息踟躕而去自是
平樂遂為安土居三年以老請致仕

王守仁

傳詳
名臣

吳克

山陰縣志字君澤號環州識膽沈雄為諸生時
適越中倭亂鄉人率走匿克獨部勒宗黨結柵

禦之麻陽戍卒刺市克執其渠告主者以狗嘉靖
成進士為武選郎時武爵訛濫為置籍七百宿弊

蕩然大盜曾一本嘯海上閩師以殲魁提聞朝論
且行賞克曰魁之真偽未可辨也請覈實後一本

果未得凡邊功覈而賞自此始嶺右有古田之師
克謂賊入楚其徑有三犒諭土司而禦之費省兵

不勞陞山東按察副使飭兵霸州塹塗布壘盜馬
不得驟陞右僉都御史撫治宣府等處度要害築

外十三邊先是宣府屯糧滿故額至二十一萬軍
多積逋乃疏請故逋流入歸業者給以牛種由是

耕者雲布粟價賤於中土嘗言火器之利造大小
砲練為陣法克督撫九年府使充拔歲省太倉太
僕銀穀十萬尋擢兵部尚書太子太保
廕一子世襲錦衣衛千戶數月請告歸

王鈞

右獻徵錄字子宣會稽人嘉靖進士授主事歷陞
副都御史提督南贛汀漳軍務峒賊竊出剽

掠調兵轉餉無寧日鈞一解諸繁令惟責郡縣恤
荒獨撫流離不煩兵而底定晉兵部右侍郎總督
兩廣軍務肇慶府扶黎蔡海大羅山等處皆盜窟
鈞發偏師授以方畧擒其魁馬大恩李汝瑞破巢
三百有奇倭寇自閩轉入揭陽鈞調兵邀擊斬首
三百有奇復犯湘陽調兵擒勦百七十人未幾長
樂興寧龍川程鄉諸處及羅絲峒賊復相煽動鈞
會兵擒斬賊首楊球等復念廣中寇盜頻繁當遏
其衝乃相度要害添設廣寧縣治斷賊出入先是
督府自置賞功所金錢得忠出入無與覈者鈞改

貯梧州府每有犒賞移文給之出納有稽軍儲以充召為南京右都御史改工部尚書引年歸卒贈太子少保謚恭簡

周如斗

獻徵錄字允文餘姚人嘉靖進士釋褐貴溪令入為御史按蘇松會島夷入寇歲大侵如

斗疏蠲常稅什伍然後以綏攘大計責之總撫將紳諸臣民謹聲動地士氣倍奮有青陽石湖婁門平望寶山水瀆分湖之捷如斗言兵在精不在衆於應援之兵力為裁減滿歲吳民叩閭請留得允寇復至松鄉民避入城者以萬計撫院令杜門毋納如斗厲聲曰是驅民於死也乃洞開諸門以入賊屯桃花港調兵力戰斬獲無算仍會浙省兵夾攻之大捷於沈庄徐海麻葉陳東之衆以次蕩平按吳三年躬擐甲以戰者百數改督學南畿行部鳳陽倭由淮陽薄城下或請避之別郡如斗曰敢

以職不任兵辭乎乃簡士卒飭將領使進擊賊遁
陞大理寺少卿晉右僉都御史撫南畿督郴縣選
土著時訓練倭犯三沙如斗分布督戰累以捷上
轉副都御史巡撫江西未代會三衢礦賊竊發壞
接婺源如斗曰婺源非城不守亟令庀工令下而賊
猝至如斗自太平馳往驅之賊始出境抵江西疾
於官作卒

呂光洵

獻徵錄字信卿新昌人嘉靖進士知崇安補
御史巡按蘇松用餘皇破海寇大洋中會敵

入古北口與仇鸞爭馬市一日章十三工謂有戰
無和有進無退歷遷右都御史巡撫雲南至則首
軍昆陽斬叛首馬苒李應朝水西宣慰安國亨叛
寇雷益李向陽方廷美再反昆陽虧遮者索反尋
甸並先後討平之晉尚書武定府土官鳳繼祖者
鈞連他府大小酋僚有衆數萬據城以叛數出諸

蠻攻城郭然孽始沐氏數庄豪而兵符故專沐氏
光洵表其跡并乞符得自調賊倚川貴為三窟計
其敗必從貴走川乞得暫領川貴諸兵道賊果
敗遁竟授首於川武定平改工部尚書以歸

高廷試

獻徵錄字汝明岷人徙會稽嘉靖進士授刑
部主事遷員外郎滇中率用土舍邏盜盜卒

不可得懼獲譴則誘夷氓以充夷語侏離猝難辨
廷試立為辦之全活數百人出為黃州守河南賊
帥尚詔糾眾為亂光與黃接壤所司調兵以守廷
試爭曰尚詔陸寇若走澤國祇就縛耳賊果不至
黃與九江人爭界而關所司議發兵以攻廷試又
爭曰此關而爭地非叛也請身諭之迺單騎往眾
感泣相率羅拜請死遷山東按察副使備兵青州
青故多盜而楊思仁者哨聚數千人廷試以兵掩
捕賊擁眾走濰濰多礦徒廷試曰賊若合礦徒據
險阻即難圖矣進兵急擊賊大敗度思仁必走河

南先期遣勁卒要諸途果獲之蒙陰礦徒王恭劉顯聚衆亦千餘人廷試誘其腹心同某約期仲春為內應呼諸校至庭下謂曰歲暮各放操迺遣周去而密令諸校無程薄賊巢周歸以廷試語白賊且言已放操賊信之不設備除夜方張宴為樂兵舉火驟進賊悉就擒調雲南副使備兵金騰緬甸莽達刺者脇三宣撫以叛廷試駐兵騰越間以禦之酋不敢動移陝西行太僕寺卿乞歸卒

范檣

獻徵錄字子美會稽人嘉靖進士授工部主事轉員外郎中出知淮安府倭驟犯鹽城轉掠廟

灣檣行次得報疾馳詣郡自將卒屯菊花溝以捍城畫繕兵械宵嚴守備時荒後府藏空虛諸軍所給餼日千石餽者三萬人商賈稀少倉糧告匱檣揭榜增糴價招之乃廟灣賊方發民屋壁牆築堡因鹽商積粟為持久計檣慮饑不繼言於漕臺請發數萬金告糴湖廣難之先是軍門已截留運糧

五萬石櫓擅發銀三萬兩六道往糴五旬米至就
船中減價糴之頃得銀三萬償糴本而空獲米五
萬石軍興給足卒以殲賊會景王舟涉淮舳艫萬
餘艘羣盜知王重載出謀劫布黨分徒往來窺伺
一日門卒報有貴客入潘氏園寓擊者曰有傳牌
乎曰否命詞之報曰從者衆而更出入櫓心疑為
盜陰選健卒數十易衣帽如莊農曰若往視其徒
入肆者陽與飲飲中挑與關相搏繫以來卒既去
櫓命與謁客西門過街肆搏者前訴即收之得十
七人陽怒曰王舟方至暇問汝鬪乎叱令就繫入
夜傳令徹備漏下二十刻出諸囚厲聲曰汝輩謂
官府當出迎王而欲乘空虛為亂徒送死耳咸叩
頭伏晨捕賊首已遁於是令飛騎馳報徐揚
諸將吏而斃十七人於杖餘賊散潰後罷歸

張天復

萬厯山陰縣志字復亨嘉靖進士授禮部主
事歷陞雲南副使佩臬司篆沐氏不法以祖

制戒之武定苗蠻亂詔進討監左軍用象戰之法
雜以毬衫鐵鎧出入洞箐間擒偽王鳳繼祖俘名
酋以十數沐氏欲冒功不許賂當事者訖之因被
逮雲南父老蠻獠輩投臺省為陳枉狀得免歸子
元忭及第請以已官
贖父職復原官卒

陳觀

觀字忠甫餘姚人嘉靖進士拜兵部主事
陞員外郎中佐尚書肅清軍府人無敢干以私
者出為湖廣副使備兵衡永郴桂諸郡會新寧
人寇掠江廣命觀討之觀遣使者招撫諭以威信
強人面縛降轅門願受約束廣東賊黃潮祖等流
劫郴州桂陽觀督兵擊之斬獲數百招降餘黨廣
西賊韋銀豹駕樓船泝衡永江大掠諸郡觀又督
兵賊之江上時兩廣征古田強種軍門檄觀為備
觀大張軍威聲聞八桂蒼梧間賊為禡魄兩廣得
免奏首功者觀犄角之功居多陞雲南左叅政

徐甫宰

張元忬徐甫宰傳字允平山陰人嘉靖舉人令武平當閩粵之界山寇蟠結甫宰爲一僕

兼程就道至則問疾苦寬征徭拊循撫抑城久圯
爲亟完之近賊諸寨舊無城時苦剽掠爲築城立
堡者三李古春梁寧輩負險以叛督府將發兵討
之甫宰單騎詣其巢曉以禍福賊雖拜泣下即解
甲降嘗按事之福寧島寇突至州守病不能起城
幾陷甫宰以便宜且守且戰城賴以全又以計擒
巨盜徐東洲梁道輝等數賊一空調程鄉諸寇聞
之相戒勿犯獨石寇首賊不悛令其黨擒之石寇
平甫宰偶出相傳已他博點首楊六古良傑等遂
謀作亂甫宰亟還誅倡亂者謀遂寢已而劇賊蘇
起徵兵十萬不能克甫宰開誠釋縱懸賞以激衆
心遂俘徐加悻縛林朝曦溫鑑斬首以徇餘黨潰
降畧盡督府上其功越格陞按察僉事備兵潮州
潮境巖菁四塞濱大海土賊島寇相煽亂甫宰或

撫或勦降滅賊衆以萬計島寇屯鄒堂甫宰用所降賊授以方畧撫其衆大兵隨之斬首萬餘自是潮無山海之患以勞瘁乞歸卒

張元藩

廣西通志山陰人官生嘉靖辛亥以後府經歷知平樂府時江南苦倭徵發連數省郡境

猛獍竊發兵餉不支勦撫無定議元藩與僉事茅坤謀曰今朝廷方有東顧憂何暇及此惟公便宜除其首惡餘黨自平坤乃定鵬勦之策賊首莫良三藍孟乾等次第受縛閩郡宴然癸丑計竣還里引疾不出

呂光午

新昌縣志號四峯有膂力善詩文工畫喜談兵嘉靖倭亂督撫胡宗憲養僧兵於杭之禪

寺光午與少年入寺僧兵謹之光午怒擊五百人皆流血被面倭攻桐鄉急督學阮鶚被困光午單

騎破圍殺倭數百救出鷄欲官之不可贈米五百石使入太學萬厯初年閩白犯朝鮮聘天下將畧者七人光午居第二辭不赴

朱燮元

傳詳名臣

來斯行

蕭山縣志字道之萬厯進士授刑曹厯陞登萊道白蓮賊徐鴻儒倡亂斯行提兵協勦次

廣川與賊黨遇進克滕鄒生擒鴻儒獻俘闕下陞少叅移貴陽按察使水西安酋煽亂恃苗長田阿秧為援斯行購素習阿秧者偽奔引入巢斬阿秧首以獻諸酋震懾晉福建右布政使引入巢斬阿秧首禧字商老從父行間多所籌佐以太學生恩例授太平府通判燕禧字周老隨父任擊賊擒鴻儒授貴州遊擊世襲杭州前衛鎮撫

俞相廷

紹興府志字中岳新昌人萬歷乙酉舉人為南江令當奢賊肆亂民力疲敝特以緩徵課

練鄉勇為事賊入蜀逼邑境城守特固料敵自通江來必從山麓行預率民兵伏高山乘其前後隊進滾木摧石自高而下斃賊以千計城得全調雲陽令陞御史

徐人龍

毛奇齡徐人龍傳字亮生上虞人萬歷進士授工部主事督學湖南崇禎乙亥任嶺北分

守道以舊城庫隘寇屢陷增拓贛南五城遷蘇松兵備道會榔桂賊起闌長沙攻衡州上命兩廣江虔會楚合勦而檄人龍監軍時沅撫首請議撫人龍曰兵未動而遽議撫此寇之所以窺我也先勦後撫力足以死之而後得以情生之撫然其言斬賊曾冬保等以徇乃陽言楚兵當勦但暑不興師俟秋而前六月二十一日天雨夜晦冥忽下令三鼓入牛矢寨賊不虞兵至大潰焚其寨牛矢為賊

塞冠既破諸寨皆膽落先是文吏輕武升人龍在
度首擢遊擊謝志良叅將董大勝引之後幕計治
盜事脫所絀食刀以贈至是以志良為前軍大勝
繼之志良遂自效乘勝連破數寨擒賊雷天召蔣
明宇等遂以七月從臨武與楚兵合大勝以偏師
繼進連破數寨生擒渠帥劉紅鼻劉思榮等八月
與粵兵合入破高獠紫獠二源并搜檀源山破寨
一其餘走羅源者願輸萬金犒軍中以求免勦不
許會大勝自藍山還道經羅源人龍指授方畧破
賊之以數騎追獲李荆楚於大板冲捷聞遷武昌
道晉叅政拜都察院右僉
都御史巡撫山東請告歸

童朝儀

山陰縣志字令佚天啓武進士任楚閩陞大
同副總兵勵精邊務征西前將軍王樸鎮雲

中雅相敬重事必經區畫而後行楊嗣昌總督宜
大首集文武詢邊事人莫敢發獨朝儀從容為言

欽定四庫全書

卷一百七十三

緩急形勢及燧燧儲備各務歷歷如指掌嗣昌瞠目曰名將才也後屢奏勸禦功調征河南流寇報捷擢陞後軍都督時殺虎口方開馬市以朝儀久雲中得內外心命之往措置合宜崇禎十二年以疾予告歸卒

國朝

沈文奎

紹興府志字清遠會稽人佚宕有大志客遊

太

宗文

皇帝

選士

登第一

人充

秘書院

纂修官

順治元

年

扈從入關

特命

巡撫

畿南

次年

總督

漕務

時區宇

初定

江淮

多伏

莽文奎

綏緝多方

自客

遊至

順治

初與

母妻

相隔

十有

八年

至是

始拜

疏迎

養擢

弘文

院學

士已

丑

充會

試總

裁再

督漕

運適有

膠州

將海

時行

之叛

率先會勦

朝廷嘉其績晉兵部尚書予蔭值白糧愆期錫級後以
叅政督理陝西糧儲勦平叛將身先士卒勞瘁成
疾乞休卒鄉賢祠冊文奎兩任漕督賑濟淮揚
等處飢民
全活無數

吳執忠

山陰縣志字匪公山陰人遊學遼左歲甲申
扈從

世祖

章皇帝入關任豐潤令授御史遷福建叅議備兵漳

泉值黃吳逞兵海上執忠輕舸入險昭布德威梧
即率所部降於軍前尋備兵山西懷隆轉湖廣糧
儲叅政適李孽煽亂三省會師征勦供應億萬執
忠跋履行間兵食充裕尋
謝病乞休年七十三卒

楊懋經

公舉寧實字九有山陰人性沉雄有勇善射
順治丙戌遊京師江蘇巡撫張忠元邀與俱

南甲午湖賊錢應奎肆出焚劫忠元委為太湖營
總巡都司以勦之懋經出哨斬其前鋒紅孩兒賊
衆奔竄海濱以功授崇明守備時崇明有海寇總
兵梁化鳳方被圍北岸糧艘數十隻斂不敢發懋
經即乘艘以濟圍解化鳳倚之為左右手已亥海
寇鄭成功陷京口闕江寧化鳳將兵四千馳入江
寧城屯教塲懋經請決一死戰遂勒所部三百人
旦蓐食既摩敵壘乃大呼奮擊敵出不意自相蹂
躪生擒其將張順而還六月十七日成功與其屬
會飲神策門門臨大江自明初閉塞懋經穿塞而
出直搗中堅化鳳夾擊之賊兵潰走乘勝復鎮江
成功敗還率餘衆犯崇明懋經奉令馳救至七了
港值賊船一百三十餘號一鼓破之化鳳上其功
晉崇明鎮左營都司世襲拜他喇布勒哈番遷廣
東惠州遊擊陞督標中軍副將陞平陽總兵
未任疾卒子二長柱承世襲次謙恩蔭生

姚啓聖

鄉賢留祀冊字熙止會稽人奉天藉中特科舉人臺灣府志始任香山知縣以註誤去官

甲寅率義兵破紫狼山賊起溫州府同知加溫處
道隨大兵平閩為福建布政使擢總督首陳平海
十疏已未移駐漳州大開修來館懸賞格招賊任
賢使能一材一藝之士靡不無收數月賊稍有降
者啓聖厚賞之偽將軍來天貴率師來降啓聖引
入帳中相與同卧起出就館器具俱帳更厚天貴
大喜過望以故竭誠致命無有二心又遣興化知
府卞永譽泉州知府張仲舉往說賊降而偽行人
傳為霖心持兩端啓聖定密計使自相賊殺為霖
果伏誅後數日啓聖忽從數騎行城市中見宅高
大者輒鎖扃之榜其門曰某鎮公館某將軍行臺
賊陳供具至晚得賊偵啓聖伴曰若非某將軍人
乎歸語爾主某日之期不可爽信子酒食遣歸得
他偵亦如之海上喧傳賊遂自相猜忌源源納款

矣庚申二月二十二日啓聖乘賊懈遣兵攻破陳
洲馬洲觀音山石馬等處十九寨次日復遣遊擊
張定國都司張璽筆帖式羅密等引兵直抵海澄
城下計誘偽將蘇侃等內變攻破城門降其衆二
千餘人恢復海澄縣是夜又差知縣黃金從等乘
潮分渡直入海門等處降其將鄭元堂黃瑞陳珍
張雄張治等水陸兵一萬二千餘人遂復金門
厦門賊退保澎湖晉秩太子少保兵部尚書辛酉
啓聖具疏請內大臣伯施琅為靖海將軍既至啓
聖運籌決策琅率舟師而前啓聖具糗糧於後以
康熙癸亥六月十四日從平海進兵二十二日克
澎湖七月二十七日鄭克塽降臺灣平卒於官
吳興祚 紹興府志字伯成執忠子以貢知萍鄉縣改
無錫縣康熙親王征福建知其才薦授福建按
察使時耿逆已降鄭經遁歸厦門惟延建諸山多
奸人嘯聚奉朱統錫為渠帥勢甚張興祚撫勦互

用舉兵直抵西山遙布聲勢遣壯士持檄開誠諭
之其大校陳龍何應元等先後輸款解散萬餘人
獨統鋤潛贛州山中與祚陽曰贛屬江西非我部
不奉詔不敢深入遂下令班師而默察降帥中可
任心腹者令蓄髮奔統鋤導以趨閩統鋤果乘間
來設伏擒之支蔓悉平摧巡撫同時姚啓聖晉總
督兩人以同里相善軍旅指畫如應桴鼓鄭經將
劉國軒攻圍泉漳二郡啓聖禦漳州興祚救泉州
從亂山攀藤而進大敗賊衆復永春德化數縣國
軒宵遁泉城獲全於是策掃厦門分三路進兵如
期會發鄭經潰捷

聞進

兵部尚書予世職尋遷兩廣總督

台州府

五代

孫琰

十國春秋臨海人驍勇有智時人謂之孫百計

州攻法凡百出不可窮最後推洞屋攻城若帡幪然琰隨機應敵置輪於竿首垂組投錐以揭之攻者盡露及礮至張網以拒礮遇網輒止竟無所施淮南兵遂夜遁

宋

賈涉

宋史本傳字濟川天台人慷慨有大志金犯光州涉知盱眙軍淮人季先沈鐸說楚州守應純

之招山東人李全等以其衆至先招石珪楊德廣通號忠義軍珪等反斃鐸於漣水純之罷通判梁丙行守事欲省其糧使自潰珪等渡淮焚掠幾盡謂朝廷欲和金人置我軍何地涉上書曰降附踵至而金乃請和此正用高澄間侯景遺策恐山東之禍必移於兩淮至若忠義之人不立定額處之

北岸安能以有限之財應無窮之須飢則噬人飽則用命其勢然也投淮東提點刑獄兼楚州節制本路忠義人兵涉遣傅翼論珪等逆順禍福自以輕車抵山陽德廣等郊迎伏地請死誓以自新金僕散萬忠數十萬大入涉遣陳孝忠向濠州珪向濠州先德廣趨滁濠全要其歸路以翼監軍數日孝忠捷至珪屢破金人金人不敢窺淮東者六七十年諸軍在漣水山陽者既衆涉分珪孝忠為兩屯李全軍為五砦又用陝西義勇法涅其手合六萬人汰三萬有奇正軍常屯七萬餘使主勝客歲省費十三四涉遣李全取海州復密濰王珪以寧海州歸遂收登萊二州青州守張林以賓棣淄州降又收濟沂等州恩博景德邢洺等十餘州相繼請降涉傳檄中原擢制置副使兼京東河北節制金十餘萬犯黃州淮西帥趙善湘請援於朝涉遣全等赴之金人破黃陷蕲安慶甚危全馳至遂定與

京湖制置使趙方倚角連戰俱勝先是蘄州受圍
余暉往援鼓衆宵遁金乘間登城前帥不問涉斬
暉以徇諸將畏懼用命勢大震金將三道渡淮涉
以張惠當之惠金驍將歸宋所部花帽軍有紀律
率諸軍出戰金人大敗陷失大半涉以所
獲京河版籍及金銀牌銅印之屬上於朝

元

葉應槐

始豐類稿字文舉以字行臨海人身長七尺

冠起應槐喬袂起曰此吾取功名時也因結鄉兵
圖之朝廷置水軍萬戶府行省丞相達實特穆爾
承制募應槐補水軍千戶應槐以所部鄉兵就募
駐杭州應槐素諳海上利害條陳珍寇之策如指
諸掌丞相趙之尋陞水軍萬戶行省方議大出角
師而海寇欵伏猶以海防為務調應槐出鎮海寧

州之園花鎮會明兵渡江南御史臺移治紹興御
史大夫慶通遜屬帥守禦臺城應槐以所部往應
命三年外兵無敢犯境者實授明威將軍平江等
處水軍都萬戶府副萬戶慶通罷去張氏遣其部
將據臺城應槐將取道於海入元時海上未靖遂
止明兵下蘇州徙凡故有官者於開封應槐在徙
中居開封十
有七年卒

明

李匡

兩浙名賢錄字存翼黃巖人宣德進士授太常
博士改御史陞四川按察副使時播州苗賊作

亂委匡帶領官軍撫捕克敵一十五次景泰元年
以軍功陞左僉都御史巡撫四川播州未平叙州
夷蠻又亂焚劫九縣全蜀騷擾復領勅勦捕而四
川軍伍數少匡乃召民間壯丁凡九千餘教練操

習雜處部伍匡號令嚴明措置有方屢戰屢捷
蠻始息而播州餘寇尚未盡滅貴州總督王來咨
請會兵攻草塘期而進兵至則來咨遠期匡被圍
乃堅守營寨偃旗鼓息刁斗五日一戰而捷蓋由
示弱而勝天順六年兵部尚書馬昂奏保勅巡撫
宣府匡親歷邊陲增塞堡斥堠崇密雞犬相聞八
年乞歸
卒於家

蔡潮

傳詳
循吏

戴德孺

外江志字子良臨海人弘治進士歷工部員
郎遷臨江知府宸濠反遣使收府印德孺

斬之與家人誓曰脫有急若輩沉池中吾不負國
也即日戒嚴據臨江以障逆鋒會贛撫王守仁至
德孺以臨江兵共滅宸濠世宗以德孺馭軍最整
獨增三秩為雲南右布政使舟次徐州覆水死贈

光祿寺卿
子一子官

應大猷

獻徵錄字邦升仙居人正德進士除南刑部主事值宸濠謀叛尚書喬宇以戰守事宜付

大猷大猷議嚴斥壎多詞謀以防奸細練軍實振先聲以安人心急遣精兵守皖城以扼敵衝使不得進於是宸濠兵至皖城而挫竟就擒武宗南巡大猷叩行宮力諍歷陞廣東參政撫勦叛夷恩威大著累擢僉都御史巡撫雲南改四川值都蠻勿靖大猷勒兵出其不意直搗巢穴擒斬數千級再撫山東陞吏部右侍郎刑部尚書歸卒年九十五

曾銑

名山藏字子重嘉靖己丑進士授長樂知縣召為御史按山東遼陽軍士作亂銑疏乞原宥以

安邊鎮上得奏喜曰真御史也銑單騎往諭朝廷恩威三軍歡聲動地反側漸寧銑簡任韓永慶等

指授方畧三城倡禍者率就縛餘安堵如故陞大理寺丞擢右僉都御史巡撫山東二十一年敵濟農突入十八盤欲襲臨清銑奏築新城以阻之二十四年調撫山西銑大修邊牆添製火器敵攻浮圖峪率兵平刑以堵西突敵入鵝鴿峪直趨廣寧以防北衝敵不近邊者二年明年敵入陝西三邊總督難其人以屬銑時敵十萬騎由寧塞突入銑命軍參將李珍率勁卒先行復親督將士晝夜由新安邊外直趨定邊敵遂出塞去銑念河套為中國要害地乃上疏曰河套古朔方地是張仁愿所城受降之界也以東勝孤懸撤之內守復改榆林為鎮弘治十二年敵牧套內孝宗志欲復之而未逮武宗方欲征之而未能寧夏外險反內備河伏乞勅下廷臣將臣此奏與修築榆林邊牆之奏詳計可否然築邊之議數十年之謀耳若復套之舉則臨河作障天險為池此社稷之至計也上

曰銑奏具見壯猷其令銑務求長策嗣上方畧銑復條上十八事晝夜講求復套策演成行師機宜列為八圖次第其說上之於是領兵入套斬獲千計敵多移營渡河時仇鸞為總兵驕恣銑劾其違法詔械繫鸞會嚴嵩父子方謀傾夏言鸞因重賂世蕃並構銑下理官羅織成獄死西市天下冤之隆慶初召復銑兵部侍郎副都御史贈尚書諡襄愍賜祭葬台州府志銑世居黃巖倉頭街曾家巷父賈而貧與江都商者善銑年十二丰神俊異命題即能警對商謂其父曰此子後必大貴商別去其父憊甚遂以銑托攜歸江都今登科錄及論類鈔俱刻黃巖人

石簡

縣志徵錄字庶伯寧海人嘉靖進士授餘干縣知縣歷陞廣東高州府知府高州當徭賊焚掠之

餘多方料理民得蘇息更安慶府陞雲南兵備副使接壤安南民苦山賊荼毒且險阻勢難征勦簡

設計生擒二百餘人斬首不計其數地方以寧轉
湖廣按察使陞貴州左布政使時五溪諸蠻四出
劫掠攻勦弗克撫按以簡威望檄委招撫遂單騎
往諭以禍福悉皆投順改山東庫有餘銀悉資兵

餉陞巡撫

雲南卒

張元勳

門衛新張元勳傳字世臣太平人嗣世職為海

光破橫嶼諸賊進署都指揮僉事充福建遊擊將
軍隆慶初破倭福安改南路參將從李錫破曾一

本累進副總兵五年擢署都司僉事代郭成為總
兵官鎮守廣東惠州賊唐亞六等劫掠郡縣元勳

進勦亞六等授首肇慶恩平賊陳金鶯等與鄰邑
昔村賊羅紹清林翠蘭譚權伯藤峒賊黃飛鶯黃

高暉等相煽為亂故事兩粵惟大征得叙功勳勦
不叙故諸將不樂勦總督殷正茂與元勳計令

鵬勦得論功諸軍爭奮又密遣副將梁守愚等屯
恩平若常戍者掩不備斬翠蘭等生擒紹清權伯
以獻其諸路鵬勦者生得金鶯而高暉等亡去元
勦逐北至藤峒生獲之諸賊盡平惠潮地相接賊
首藍一清賴元爵馬祖昌黃民太曾廷鳳卓子望
等各據險結砦連地八百餘里黨數萬人曾金鶯
等滅諸賊頗懼佯乞降正茂知其詐徵兵四萬令
叅將李誠立沈思學王紹遊擊王瑞等分將之元
勦居中節制數道并進賊遇之輒敗元勦追亡至
南嶺一日夜馳至擊破李坑生得子望等明年破
烏禽嶂廷鳳等阻高山元勦佯飲酒高會忽進兵
擊擒之先後獲大賊首六十一人次賊首六百餘
人破大小巢七百餘所進都督同知世廕百戶湖
州賊諸良寶既撫復叛犯陽江據故巢居高山嶺
不出戰元勦積草土與賊壘平用火攻之斬首十
餘級提聞進世廕一級遺孽魏朝義等四巢亦降

惠潮遂無賊其冬倭陷銅鼓石雙魚城元勳大破之儒峒五年大征羅旁賊進都督改廕錦衣尋以

疾致仕

李超

吳執御李超傳字天衢太平人襲世職習騎射嫺韜畧倭寇浙東兵備道譚綸薦於總督胡宗

憲委以備倭之任適寇至起單騎持矛直突倭營倭驚潰斬獲無算後綸以憂歸豫章寇亂超恐綸

罹寇難私率部下百餘徑往豫章斬救靡遺豫章獲靖綸喜出望外復言於江西巡撫特疏於朝授

南贛遊擊屢著戰功遷金台嚴三郡叅將會倭深入台南身督諸將大敗之倭自是不敢復寇遷全

浙護軍駐鎮定海歷任十載績勞懋著再遷京城衛軍都督提督京營以疾致仕授特進柱國光祿

大夫卒於家

楊文

台州府志號筠先臨海人嘉靖間倭屢犯台文應郡守諱綸之募每戰先登自仙居至寧海又

於太平南灣擒斬倭寇調廣東福建等處討賊多立殊功授台州衛指揮陞海南衛叅將萬歷二十一年寧夏哱承恩之變文以南兵往討水陸夾攻薙破南關生擒承恩土文秀捷奏陞湖松登萊等處副將仕終遼陽總兵官

王士琦

周頌王士琦傳字圭叔宗沐子萬歷進士授南工部主事歷兵部郎中按治驕兵不畏強

禦論者以邊才許之會播州宣慰楊應龍反以邢玠總督四川特補士琦重慶知府至即授檄前往募江趣應龍出安穩聽勘應龍觀望不前士琦徑至安穩應龍令弟兆龍以兵迎且請進赴松坎人咸謂無輕蹈不測士琦曰彼以我為怯也即單騎赴之見應龍責以大義開陳利害應龍率苗目膝

行抱士琦足泣因論令至安穩應龍如命面縛蒲
伏獻首亂十二人案驗抵應龍斬輸銀四萬兩助
採木奏上報可倭寇朝鮮復以玠為經畧晉士琦
山東叅政與總兵劉綎將苗兵二萬自蜀趨王京
時倭據東西中三路西路行長據栗林曳橋最雄
險玠使綎將陸兵陳璘將水兵攻西路士琦監其
軍士琦促陸師前進至栗林攻圍十餘日賊求救
於別酋平義智士琦恐二酋合勢叵測乃令水師
解圍伺於海陸師急攻奪曳橋斬首數百級乘勝
入城行長遁入海平義智與中路酋石曼子來救
璘半洋邀擊燬倭船數百艘石曼子行長僅以身
免會關白平秀吉死三路倭遁朝鮮事平論功陞
河南左布政使歷右副都御史巡撫大同調江西卒

鄔若虛

寧海縣志字君受萬厯副榜授崖州守適黎
蠻倡倭若虛增濬城壕與王總鎮協力拒守

襄中不解者五旬賊宵遁入海寇引倭蹂躪崖土若虛以信義糾集民兵先告妻子曰封疆重任身與城為存亡義不反顧爾等須自為計妻洪氏亦預潔智井以待於是厲氣登城將士用命時出奇計以疑寇寇乃驚潰遷邵武同知後家居十餘年卒

葉景

黃巖縣志字仲火天啟甲子舉人署平湖縣教諭起擢建寧清軍同知大盜吳秀三聚黨數千

人於松溪火龍井商民咸被其毒景白撫按親督兵從間道生擒秀三四境帖然民建祠祀之

張鐘音

仙居縣志字律之天啟間貢生授樂清縣訓導有寇薄城邑鐘音戎裝詣宋令曰萬世瞻

仰在此一舉公嚴為守請為揮戈擊之縣令為部少年勇敢五百人以從或疑衆寡不敵鐘音曰烏合之徒易與耳出戰不數合遂俘其首餘黨悉鳥獸散城賴以全遷湯溪教諭歷徽州教授

張相霖

仙居縣志字君璧崇禎間除寧都尉會廣西

先大破之兵備祁逢吉撫軍陸問
禮上其功陞授驃騎將軍卒於京

浙江通志卷一百七十三